



武備志卷六十八

長樂郡  
振鐸西  
請字本

防風茅元儀輯

陣練制

練一

茅子曰、練不可易言也、士不練、則不可以陣、不可  
以攻、不可以守、不可營、不可戰、不可以專、水火之  
利、有馬而不可馳、有餉而徒以飽、天時地利、不能  
以先入為略、為法、不可以強施、然則言武備者、練  
為最要矣、夫士不選、則不可練也、志曰、兵無選鋒、



曰北然必人人而選之則百金之士非比屋而生  
十萬之師難倉卒而合非所以通論也要在選步  
騎車水之宜而用之卽四者不兼用亦必分材而  
授之器最下者給使令古所謂蒼頭廝養也定則  
而等其食則常廩之中賞罰寓焉從而損益之選  
卽所以練也然後行束伍之法頒禁令之條使其  
心與膽日就我之練而不覺然後教以進退之節  
使目練於旌旗耳練於金鼓我臨敵制奇百變百  
出而其耳目之所習者如一此可以稱節制之師  
矣然不可以捍格取捷也故唐之制以八日教藝  
二日教旗最爲得中藝有兼習者如弓弩手砲刀  
棍之類是也有分習者如戈戟刀矛太砲之類是  
也火器別有見其它則詳說而圖列之故練凡五  
等曰選士曰編伍曰懸令曰教旗曰教藝其詳各  
有目

選士

編伍

懸令



教旗

教藝

選士

茅子曰：選士而無去取，是驅市人而戰也。有去取而無分別，則車轅舟漿，違用而不可致遠。參苓烏附，誤投而可以墮生。故首去取，次分別。

去取

分別

去取

紀效新書曰：兵之貴選，尚矣。而時有不同，選難拘。

一若草昧之初，招徠之勢，如春秋戰國，用武日久。

則自是一樣，選法方今天下承平，車書混同，編民

忘戰，卒然之變，自是一樣，選法太端，創立之選，勢

在廣攬，分揀等率，均有所用。今天下一家，邊腹無

虞，將有章程，兵有額數，餉有限，給其法，惟在精第。

一不可用城市油滑之人，但看面目光白，形動伶

便者，是也。第二不可用奸巧之人，神色不定，見官

府，藐然無忌者，是也。第一可用只是鄉野老實之

兩說十  
選士甚  
得事宜  
但即逐  
鹿之時  
敢戰者  
亦必非  
遊滑之  
人



人所謂鄉野老實之人者，黑大麤壯，辛苦手面皮肉堅實，有土作之色，是也。第二可用，乃慣戰之人，曾見賊無功之人，慣戰知利害，知利害則奸猾生，但熟知戰陣勢所必用，無功必膽怯，但曾見情狀，故以二項爲次等。然可選者，或專取於豐偉，或專取於武藝，或專取於力大，或專取於伶俐，此不可以爲準。何則？豐大而膽不充，則緩急之際，脂韋不能疾趨，反爲肉累，此豐偉不可恃也。藝精而膽不充，則臨事怕死，手足倉皇，至有倒執矢戈，盡失故

態，常先衆而走，此藝精不可恃也。伶俐而膽不充，則未警之先，愛擇便宜，未陣之時，預思走路，臨事之際，除已欲先奔，猶之可也。又復以利害恐人，使作他輩爲已避罪之地，此伶俐不可恃也。力大而膽不充，則臨時足軟眼花，呼之不聞，推之不動，是力大不可恃也。是則吾人選士之術荒矣。廢四者而別圖之，亦不可也。蓋四者不可廢，而但不可必耳。諺曰：藝高人膽大，是藝高止可添壯，有膽之人，非懦弱膽小之人。苟熟一技，而卽膽大也。惟素有



正作志卷之十一  
四  
膽氣使其再加力大豐偉伶俐而復習以武藝此  
謂錦上添花又求之不可得者也然此輩不可易  
得思其次則武藝尚可以教習必精神力貌兼收  
之奈此數者皆選兵之一籌而必膽為主膽包在  
腹不可見何以選為殊不知人之精神露于外第  
一選人以精神為主而當兼用相法亦忌凶死之  
形重福氣之相此盡選人之妙矣最勿使伶俐油  
滑寧用鄉野愚鈍夫鄉野愚鈍之人畏官府畏法  
度不測我顛倒之術誠信易于感孚憤氣易于振

作若將威素立則先收之以恩若將威未行則先  
振之以威使就我彀中而已中有妙機因情為政  
不過欲使為我用命若愛先玩于前而後繼之以  
威則怨威而忘恩矣但威嚴不能自行永無阻壞  
而所以使威嚴之永行無阻壞者恩與信也彼天  
下之至親至情莫慈父之于孝子是也子之聽命  
于父者以其生我也育我也設使父必于殺子雖  
孝子且不能無私言况烏合之衆行伍之兵耶故  
必恩以佐使其威嚴庶威嚴為之畏為有濟如載

聖人復  
起不能  
易也



物者舟而所以使之安載如意轉捷從心則舵也  
威嚴其舟乎恩信其舵乎

分別

行軍須知曰兵法曰雖有虎狼之將必藉豺犬之  
兵將雖智勇禦敵攻討不能獨取其勝將不得兵  
如鳥無翼兵不得將如虎無頭是故將得兵而有  
勢兵得將而有勇漢書曰指蹤者人也獲兔者犬  
也漢將霍去病以智勇之士聚爲爪牙夫兵不選  
不精則自敗之兆也諸家兵法並有選士之篇士

有老少勇怯強弱材伎貴賤仁義鄉俗之性不同  
用之各有所長故云尺有所短寸有所長太公曰  
選士之法因能守職各取其長兵法曰貪者守財  
廉者主賜仁者納降辯者通使謀者應敵怯者守  
門勇者破敵奪隘健者搶關探報聾者善視瞽者  
善聽各取其性所用爲其股肱羽翼自然之道統  
軍領衆賊壘相望晝夜相守爭一時之勝軍需之  
要缺一不行今具選士一十五條不可不明察也  
一或貧窮忿怒不顧生死將決其志遇賊爭先務



取進者爲一等、可使衝圍破壘偷營斫寨奪取旗  
鼓三略曰貪者好趨利、愚者不顧死

敵、一有少壯疾走能行者爲一等、可使探報應接期

一有勇力出衆者爲一等、可使攻城奪門負重填  
濠破金鼓絕旌旗也

一有口辯巧辭利舌機捷之人爲一等、可使軍中  
游說間諜激勵將士、譎詐妖言毀敵勝負、感動賊  
情、太公曰豪士四人、主飛名馳譽威休人材、動四

境以弱敵心、游士八人、探伺奸宄、誘察敵情、倏往

忽來、游說間諜術士三人、平覲譎詐、妄依鬼神、以

惑敵心

一有弓弩射遠的中者爲一等、可使偏攻開路射

其主將頭目之人

一有武藝出衆力氣壯者爲一等、可使爲奇兵、太

將應急驅使

一有過犯凶惡頑跡、不顧死生少壯者爲一等、可

使晝則遊奕、夜則伏路、守隘破堅、入險出爲先鋒



入為後殿

一有攻醫藥戎具木匠鐵匠雜手藝者為一等可使軍前緩急雜用太公曰選士二十八人主百藥治金瘡以全諸病

一有小心軟弱怕鬪者為一等可使守門防姦知更號

一有年老殘疾者為一等不用隨軍令防守倉庫一有知風俗鄉導山川遠近迂直本國土人者為一等可使通引山川道路知軍馬屯止去處又知

賊馬出沒道路太公曰選地利三人主三軍屯止

形勢利害消息遠近險易水涸山阻不失地利也

一有能知天文地理深謀遠慮通變財貨糧草旗

鼓節號覽視四方探探軍情者為一等可為腹心

太公曰選天文三人主占星曆候風氣推日時考

符驗災異知天心去就之機兵法曰凡人主講論

異同行事成敗

一善識水勢可渡江河能為狗盜雞鳴者為一等

可潛偷夜號切探賊情備急使用



一將若不能銓度士衆各任所長而雷向使之不盡其材則三軍不盡其力兵法曰智過十人可爲十人之長智過百人可爲百人之長智過千人可爲千人之長智過萬人可爲萬人之長各盡其智能兵必自練軍勢曰使智使勇使貪使愚是也一有賊軍避罪而投來者另爲一等可以採問敵情虛實

右已上數等之士預可選定歸部伍各立將校置簿拘管臨事驅使使無缺誤兵法曰良匠無棄材良將無遺士乃至雞鳴狗盜孟嘗君得以脫身士無貴賤高下有一德而可用矣

師律提綱曰孫子曰善用兵者求之於勢不貴於人故能擇人而任勢所謂勢者各隨人之所長以爲用也兵法曰貪者守財廉者主賜仁者納降辯者通使謀者應敵怯者守門勇者破堅奪隘捷者搶門探報聾者善視瞽者善聽人皆可用而用之之道必在當其材也故曰良匠無遺材良將無遺士是也今將選士之目條列于後



大同小異故並存之

一敢死樂傷奮不顧身遇賊爭先務進取者選為  
 一等名曰冒刃士可使衝圍陷陣擣營破寨寨旗  
 斬將三略曰貪者好趨利愚者不顧死  
 一有能踰高絕遠輕足疾走精健者為一等名曰  
 健步可使覘聽賊情  
 一氣銳力壯拔距伸鈞強梁暴橫者為一等名曰  
 陷陣之士可使攻堅破銳爭險奪路  
 一通曉四夷言語舌辯辭巧機捷能移人意者為  
 一等名曰遊士可使入敵游說以為間諜

一弓弩能射遠貫堅者為一等名曰長箭士可使  
 偏攻夾擊射敵主將以奪敵心  
 一武藝出眾膂力過人負重執銳者為一等名曰  
 力士可使邀截敵人輜重攻奪險阻躡塘襲伏  
 一好犯稔惡不顧死者為一等名曰決死士可使  
 晝夜遊探裝塘報伏路或為殿後先鋒以備急用  
 一歷練老成辦事勤謹者為一等名曰慎士可使  
 守門盤姦看倉庫封鎖鑰  
 一知山川險易形勢利害水草有無路道迂直溪



河深淺者為一等名曰鄉導可使指引道路涉渡關津

一攻醫人馬疾疫瘡腫百工技藝能造戎具者為

一等名曰藝士可使隨軍各効技能以備使用

一精通天文地理諸曉占卜謹言慎行者為一等

名曰術士可為耳目使之占候風雲推日擇時凡


占有休咎不可宣洩惑眾兵法曰禁祥去疑

一能猿騰鷲擊狗盜雞鳴踰溝越壘者為一等名

曰抄掠士可使潛竊夜號亂敵營寨焚敵蓄積

一左手射箭者為一等名曰偏攻士以備賊從右

來逆鬪





武備志卷六十九

防風茅元儀輯

陣練制

練二

編伍一

茅子曰束伍之法古來尚矣簡切可用無若戚繼光其步騎車水無不詳也故特採之可以作古矣

編步兵

編騎兵



編車兵

編水兵

編步兵

紀效新書曰將選過堪以教練官兵若干員名先  
 日分各執事為木牌六每牌用卓一張縛繫各列  
 一處預定各編伍官生書手姓名填于牌陰司選  
 者然後行事先儘把總自擇哨官五員驗堪分為  
 左右中前後令于堂傍地坐必坐乃不亂又令第  
 一哨官于羣衆中扯出旗總三名驗堪如前坐於

此語便

此亦選  
 擇之法  
 以在此  
 次第  
 互見于  
 此

本哨官後又令第二哨官擇扯如前驗堪地坐五  
 哨畢又將第一哨官下一哨長令其擇扯隊長三  
 名驗堪如前地坐隊長俱完又將前第一哨官一  
 旗總下隊長喚起于衆兵中擇扯十一名公座前  
 一字橫立以年少骨軟有神氣者二名為第一第  
 二充藤牌手年大貌偉有全力者二名為第三第  
 四充狼筈手有殺氣有骨力精神結實者四名為  
 第五第六第七第八充長鎗手有殺氣有膽性者  
 二名為第九第十充鈚手甘為人下者一名為第



十一充火兵凡定第一二俱橫看兩人一並惟隊長在前之中火兵在末之中先將隊長用束伍內腰牌紙一張于習藝空內填領隊二字給與該方色隊旗一面填營伍處先給營伍無姓名隊伍冊一本將隊長并兵十一名俱送到牌下將腰牌紙內照隊填畢又連人牌送與填縣分都圖住居地方處照腰牌紙內格空填畢又連牌送填年貌處照腰牌紙內格空填畢又連人送填尺寸斤力處照腰牌紙內格空填畢又送至填疤記處此用知

識官司之凡兵身貌間所不同者不必專在疤痕紀其難假易辨者填于格空四五字足矣再送掌年貌冊者將腰牌內填過緣由備填冊內令赴空地照隊伍坐聽候再編由一隊至三隊完旗總亦照隊長挨填給與該方色大旗一面即執于先編過本旗該管幾隊頭坐地又編一旗三旗完將哨官給與認旗即往本管哨內地坐聽候又將一哨官者照前從隊兵越編完一司又一司日長可編三司日短可編一司每編隊一司先殺手四哨完



次鳥銃一哨

凡選編必用把選哨哨選旗旗選隊隊選兵聽各  
任真任怨擇各平素所知或先同當兵或係同鄉  
相認或在同歇相隣平日守法生事膽力勇怯渠  
觀于不作意中得于所忽甚真今令自選于繫在  
選者若臨時不堪上陣平時生事胡爲原擇批之  
人何辭自諉庶行連坐亦不怨于上若官府面前  
一時選驗不過年貌力氣而已全無可憑且飾爲  
兵態怒目抵掌口稱忠義膽勇心事包藏于胸如

何足信故上一層不可有意掣肘仍要多方開譬  
使等等自擇此軍中第一要着第一至殼  
凡隊長三隊以至五隊皆可一隊一伍五人爲伍  
也一隊十二人卽十人爲什也每一旗下三隊五  
隊皆可五人爲隊也一哨官下三旗以至五旗皆  
可百人爲哨也一把總下三司以至五哨皆可五  
百人爲司也一把總下三司以至五司皆可三千  
爲營也三千一營以至四千五千皆可爲一營三  
營五營皆可爲一師卽什保師旅并由內政之遺



要緊

也。不必拘定數目，五人而後謂之伍。他皆倣此，但順人土之利，相時措之宜，因兵食之額，要之不出乎用法，而不泥于法，是已。自此為始，凡行動立止，俱照鴛鴦隊次序，恁是如何，不許時刻縱橫錯亂。久則自熟，且于虛冒不復能容矣。內惟十二名一隊，仍分左右位，不可易之法，何也？此中行軍法為便。老于兵中者，方得此殼耳。

凡闔營選完，發放某日再集，將腰牌如前對讀過，作弊者，即以重法連坐施行。一二隊以立初信，此時重信一立以後，如驅羣羊，惟我號令是聽，而方

此法甚

可言練也。此一節于練兵，已有五分工夫矣。凡冒兵頂替入操者，正替身俱以軍法網打。所僱之人，即充兵收操工食，即將原僱之人分交一半。凡稱主將，非大將也。但主所屬之兵，上一等者，不坐面前，面見在第一尊者，即為主將。假如大將不在，則偏裨即稱主將。偏裨不在，則把總即稱主將。把總不在，則哨官即稱主將。下至旗總不在，則隊長即稱主將，是也。



凡隊直而爲二伍，方而爲九分，而爲三，如四隊爲一旗，虛其中，旗總居之，如三隊以二爲外，以一爲內，幾旗總幾哨，幾司幾營，俱如前。

凡雜流每司把總下號鏡手一名，掌號一名，鼓手二名，唢囉一名，喇叭一名，摔鉞一名，鑼一名，高招手一名，督陣巡視旗四名，醫生一名，書記二名，每哨官下馬夫一名，認旗一名，以上俱要見在精健營中實用者也。把總家丁八名，哨官家丁四名，醫生家丁一名，乃聽厮役者也。旗隊以食糧爲差，每


一營如爲偏裨所統馭者，旗牌三員，號鏡手二名，唢囉手二名，喇叭手二名，號笛手二名，鼓手八名，鉦手一名，鑼手一名，摔鉞手一名，五方旗手五名，高招手五名，角旗手四名，認旗手二名，門旗手二名，巡視旗手十二名，火藥匠一名，木匠一名，鐵匠二名，醫生一名，各帶全副器具，軍牢十八名，健步十二名，塘報十二名，兵只三總，係守備欽把，用其半，係將官用，其多半兵至四五總，用其全，以上俱用精健諳習實用者也。厨役二名，馬夫二名，薪水







兵腰牌陰面




隊長腰牌陽面

營	哨	哨長	下	隊長
年	年	歲	係	
都	人身	身長	尺	寸
面				
鬚	上	有	處	力
百				
斤	地方	佳	習	藝
年	月	日	給	



隊長腰牌陰面




哨長腰牌陽面

營哨哨長	營	哨	哨	長
年	歲	縣	都	人
身	長	尺	寸	面
上	鬚	有	處	力
	百	斤	地方	任
	習	藝	年	月
	日	給		



哨長腰牌陰面



練兵實紀曰步兵自上而下保無不堪式後水兵皆

此准

某參遊某人今當

處保結得本哨下千總並非怯懦不堪如虛

甘罪結狀是實

某千總某人今當

處保結得本部下把總並非怯懦不堪如虛

甘罪結狀是實

某司把總某人今當



處保結得本司下百總並非怯懦不堪如虛  
其罪結狀是實

某百總某人今當

處保結得本局下旗總並非怯懦不堪及冒  
名頂替如虛及有逃走其罪結狀是實

某旗總某人今當

處保結得本宗下隊總並非怯懦老弱及冒  
名頂替如虛及有逃走其罪結狀是實

某隊總某人今當

處保結得本隊下各兵並無老弱怯懦不堪  
及冒名頂替如虛及有逃走其罪結狀是實  
步兵自下而上保本管不致失陷式

千總某某等今當

處實保領過本管將官某前去上陣並不致  
臨陣疎失如有疎失各甘死償命

把總某某等今當

處實保領過本管千總前去上陣並不致臨  
陣疎失如有疎失各甘死償命



旗總某某等，今當  
處實保領過本管百總前去上陣，並不致臨  
陣疎失。如有疎失，各甘死償命。  
隊總某某等，今當  
處實保領過本管旗總前去上陣，並不致臨  
陣疎失。如有疎失，各甘死償命。

### 編騎兵

練兵實紀曰：預日先將部下官生、夙守軍人習知束伍之教者，各分執事填于白牌或紙上，其填營

伍次第者為一號牌，填年貌藉貫者為二號牌，填  
疤記武藝者為三號牌，總填隊伍姓名者為四號  
牌，抄隊伍清冊者即隨之為五號牌。平明每一牌  
用卓一張，縛豎一號，即守主將之傍，餘號各于空  
地分設挨號而下。又一面將腰牌隊冊照各種式  
樣預日刊刷齊備。式開于後。次日早將投募見在  
軍士人等以次喚進，如一千先定千總一員，令千  
總選部下把總幾員，驗中又令各把總選百總幾  
員，驗中又令各百總選旗總二名，先以一百總下



一旗總令選隊總三名先以一隊總自行揀兵九名一字向上立定主者與之辨驗堪否以年力壯健能射者一名爲一伍長能射者二名爲一伍第一名在左第二名在右俱充銳鈚手以骨肉結實精健者爲二伍長卽第四名也第五名在右第六名在左俱充夾刀棍手又以力大貌黑而粗猛者爲三伍長卽第七名也第八名在右第九名在左俱充大棒手以善于炊爨肯爲人下者一名爲火兵給大棒一件先填隊總爲第一名連牌送一號

填隊伍訖連人傳與第二號牌填籍貫年貌畢連人又傳與第三號牌填疤記武藝畢又連人傳與第五號牌填隊伍姓名于腰牌紙上如是又以一名與腰牌紙一張連人挨次挨填如式又喚一隊如此三隊畢卽喚一旗總領于空地將隊伍擺個式樣一面卽將預日做就如式方色認旗一面付執以辨行伍三旗總俱完卽命一百總四上自總俱完卽命本把總領于空所擺明申明約束領回如此每一哨將官下旣完一面照腰牌造冊五本有



式在後出，示于第二日，點名隨，即均給馬匹。凡戰兵俱與上等馬，係火器差使不屬前鋒者，與二等馬。其下等馬汰去不用。每哨三部，雖同一體而驍健伶俐好漢須多，歸中部專為架梁等用。每一旗內火器一隊居中，左右二隊俱殺手，其左右二部每一旗內火器二隊居左，左右殺手一隊居中，束伍事竟又約日于教場，公同再三訂論，宣明上意，即取各官挨次呈遞，無有不堪甘結狀。

騎士腰牌

軍		門	
哨部司局宗旗	隊伍第 名	年 拾	處 住
歲	人在	面 鬚	上 處
習 藝無牌者不給月糧軍法治			
同伍伍長			
年 月		日考驗憑此	



騎士伍長腰牌

騎士隊總腰牌

軍 ○ 門	
哨部司局宗旗	隊下伍長
年拾歲	人在
處習	面鬚上
藝無牌者不給月糧仍軍法治	同伍伍長
日考驗憑此	年月

軍 ○ 門	
哨部司局宗旗	隊長
年拾歲	人在
處習	面鬚上
藝無牌者不給月糧仍以軍法治	同隊隊長
日考驗憑此	年月



騎士旗總腰牌

軍 ○ 門

在

上

無牌者不給月糧仍以軍法網打

同宗宗長

年月

日考驗憑此

處習 藝

住 面 鬚 人

年 拾 歲

哨 部 司 局 宗 旗 總

騎隊兵冊式

殺手自係弓箭手仍執殺器  
長鎗鉅鈞大棒之類是也

總隊三 總隊一 總隊二

器火器火 手殺手殺 器火器火 哨

器火伍左 手殺伍左 器火伍左 中

器火器火 手殺手殺 器火器火 部

器火伍右 手殺伍右 器火伍右 司

器火器火 手殺手殺 器火器火 局

兵火 兵火 兵火 宗

武備志卷之九 陣練制 練編伍一 六



總隊三	總隊一	總隊二	哨
器火器火	手殺手殺	器火器火	
器火伍左	手殺伍左	器火伍左	右左
器火器火	手殺手殺	器火器火	部
器火伍右	手殺伍右	器火伍右	司
器火器火	手殺手殺	器火器火	局
兵火	兵火	兵火	宗

騎兵旗

旗式見  
于戰乘  
旌旗中

軍士，盈有纓而無旗。

隊總，盈旗長六寸，上書隊哨字，顏色照哨將旗之色。

旗總，背旗，身方二尺，斜角，用邊旗桿，長三尺六寸。

百總，認旗，身方二尺五寸，斜角，用邊桿，用鎗頭。

長九尺，上書字，一局書振勇，二局書揚勇，三局

書威勇，四局書武勇。



把總認旗長三尺五寸斜角有邊桿高一丈一尺用纓頭號帶一條長五尺  
千總認旗長五尺斜角有邊桿高一丈三尺號帶一條長七尺

哨將認旗長六尺五寸斜角有邊桿用纓頭雉尾高一丈五尺號帶一條長八尺五寸

前哨哨將認旗紅心紅邊藍帶珠纓雉尾上書前軍司命

中部千總旗紅心黃邊藍帶

中一司把總旗紅心黃邊藍帶

百總旗紅心黃邊藍帶

旗總旗紅心黃邊

隊總盛旗紅

中二司把總旗紅心黃邊藍帶

百總旗紅心黃邊藍帶

旗總旗紅心黃邊

隊總盛旗紅

左部千總旗紅心藍邊藍帶



左一司把總旗紅心藍邊藍帶

百總旗紅心藍邊藍帶

旗總旗紅心藍邊

隊總旗紅

左二司把總旗紅心藍邊藍帶

百總旗紅心藍邊藍帶

旗總旗紅心藍邊

隊總旗紅

右部千總旗紅心白邊藍帶

右一司把總旗紅心白邊藍帶

百總旗紅心白邊藍帶

旗總旗紅心白邊

隊總旗紅

右二司把總旗紅心白邊藍帶

百總旗紅心白邊藍帶

旗總旗紅心白邊

隊總旗紅

後哨哨將認旗黑心黑邊藍帶珠纓雉尾上書後



軍司命

中部千總旗黑心黃邊藍帶

中一司把總旗黑心黃邊藍帶

百總旗黑心黃邊藍帶

旗總旗黑心黃邊

隊總旗黑

中二司把總旗黑心黃邊藍帶

百總旗黑心黃邊藍帶

旗總旗黑心黃邊

隊總旗黑

左部千總旗黑心藍邊藍帶

左一司把總旗黑心藍邊藍帶

百總旗黑心藍邊藍帶

旗總旗黑心藍邊

隊總旗黑

左二司把總旗黑心藍邊藍帶

百總旗黑心藍邊藍帶

旗總旗黑心藍邊



隊總，盛旗黑。

右部千總旗，黑心白邊藍帶。

右一司把總旗，黑心白邊藍帶。

百總旗，黑心白邊藍帶。

旗總旗，黑心白邊。

隊總，盛旗黑。

右二司把總旗，黑心白邊藍帶。

百總旗，黑心白邊藍帶。

旗總旗，黑心白邊。

隊總，盛旗黑。

左哨哨將認旗，藍心藍邊藍帶，珠纓雉尾，上書左

軍司命

中部千總旗，藍心黃邊藍帶。

中一司把總旗，藍心黃邊藍帶。

百總旗，藍心黃邊藍帶。

旗總旗，藍心黃邊。

隊總，盛旗藍。

中二司把總旗，藍心黃邊藍帶。



百總旗藍心黃邊藍帶  
旗總旗藍心黃邊

隊總旗藍

左部千總旗藍心藍邊藍帶

左一司把總旗藍心藍邊藍帶

百總旗藍心藍邊藍帶

旗總旗藍心藍邊藍帶

隊總旗藍

左二司把總旗藍心藍邊藍帶

百總旗藍心藍邊藍帶

旗總旗藍心藍邊

隊總旗藍

右部千總旗藍心白邊藍帶

右一司把總旗藍心白邊藍帶

百總旗藍心白邊藍帶

旗總旗藍心白邊

隊總旗藍

右二司把總旗藍心白邊藍帶



百總旗藍心白邊藍帶

旗總旗藍心白邊

隊總旗藍

右哨哨將認旗白心白邊藍帶珠纓雉尾上書右

軍司命

中部千總旗白心黃邊藍帶

中一司把總旗白心黃邊藍帶

百總旗白心黃邊藍帶

旗總旗白心黃邊

隊總旗白

中二司把總旗白心黃邊藍帶

百總旗白心黃邊藍帶

旗總旗白心黃邊

隊總旗白

左部千總旗白心藍邊藍帶

左一司把總旗白心藍邊藍帶

百總旗白心藍邊藍帶

旗總旗白心藍邊



隊總，盛旗，白。

左，二司把總，旗，白，心，藍，邊，藍，帶。

百總，旗，白，心，藍，邊，藍，帶。

旗總，旗，白，心，藍，邊。

隊總，盛旗，白。

右部，千總，旗，白，心，白，邊，藍，帶。

右，一司把總，旗，白，心，白，邊，藍，帶。

百總，旗，白，心，白，邊，藍，帶。

旗總，旗，白，心，白，邊。

隊總，盛旗，白。

右，二司把總，旗，白，心，白，邊，藍，帶。

百總，旗，白，心，白，邊，藍，帶。

旗總，旗，白，心，白，邊。

隊總，盛旗，白。

中哨，哨將，認旗，黃，心，黃，邊，藍，帶，珠，纓，雉，尾，上，書，中。

軍司命。

中部，千總，旗，黃，心，黃，邊，藍，帶。

中，一司把總，旗，黃，心，黃，邊，藍，帶。



中 百總旗黃心黃邊藍帶

中 旗總旗黃心黃邊藍帶

隊總旗黃

中 二司把總旗黃心黃邊藍帶

百總旗黃心黃邊藍帶

旗總旗黃心黃邊

隊總旗黃

左部 千總旗黃心藍邊藍帶

左 一司把總旗黃心藍邊藍帶

百總旗黃心藍邊藍帶

旗總旗黃心藍邊

隊總旗黃

左 二司把總旗黃心藍邊藍帶

百總旗黃心藍邊藍帶

旗總旗黃心藍邊

隊總旗黃

右部 千總旗黃心白邊藍帶

右 一司把總旗黃心白邊藍帶



式百總旗黃心白邊藍帶藍帶

旗總旗黃心白邊藍帶

隊總旗黃

右二司把總旗黃心白邊藍帶

百總旗黃心白邊藍帶

旗總旗黃心白邊藍帶

隊總旗黃

凡雜流每一哨下大小將領金鼓雜流吹鼓手十

六名養馬軍十名以上俱步軍執五方旗五名號

帶五名金鼓旗二名坐纛二名大標三名燈籠二

名識字三名旗牌十二名軍牢二十四名夜不收

五十名伴當八名弓匠箭匠火箭匠共四名獸醫

一名醫士一名厨役二名家丁五十名以上俱馬

軍每中軍官下識字二名軍牢八名夜不收八名

家丁六名每一千總下識字二名軍牢六名夜不

收六名家丁四名每一把總下識字一名軍牢六

名家丁四名每一百總下馬夫一名家丁一名



武備志卷七十

防風茅元儀輯

陣練制

練三

編伍二

編車兵

練兵實紀曰預日備牌號卓次并刷腰牌冊俱與  
騎兵束伍同是日選時先擬干把百總車正隊長  
亦同騎兵例但點車正必須伶俐知事有膽有張




主者一名側立聽車正將衆軍中取三十二名前  
來中年上下曾經受苦挑擔耕耨出得全力之徒  
六人爲車兵專管推車又有力而稍伶俐者一人  
爲舵工各給腰牌紙照騎兵例送填又擇年少伶  
俐力量少弱才貌細小者二人爲火箭手爲一次  
填牌如前又選伶俐有肱力者四人爲鳥銃手爲  
一次照前填牌又選年紀中大謹慎者六人爲佛  
郎機手爲一次填牌此車上之兵也如以馬兵爲  
殺手則不用選殺手如仍備殺手一枝則再選有

膽好漢一名爲隊長聽隊長于選中隊內有殺氣  
少年二人爲圓牌手力健有神氣骨肉勻稱二人  
爲長刀手又如此二人更加粗壯有力者二人爲  
大棒手身長肱長一人爲鈿手又以堪役使者一  
人爲火兵逐名選過卽給牌挨送查填一車完卽  
給方色如式認牌一面車兵擺列圖一張令車正  
領在空所照圖擺成行伍坐定一把總者俱完放  
出各車正將圖用木牌粘懸車上備查以憑管束  
一將官下完足示日于教場領車給器聽演習派




宗城司哨明白至期各照所派車上去處各為信地尺寸難移另有軍法條約

車士腰牌






車士隊長腰牌




車正腰牌






# 車隊冊式



哨部司局宗


右殺手一隊今因軍少不設者不必用

# 車正總牌





哨部司局宗



車兵旗

車兵不用盔甲

車正用盔甲方旗長二尺

哨官號旗長三尺

把總號旗長四尺

千總號旗上角闊三尺長五尺號帶長四尺五

寸

哨將號旗上角闊四尺長六尺號帶長五尺五

寸



武備志卷之十一  
前哨哨將號旗紅凡旗上字如騎兵哨同

左千總紅旗藍邊

一司把總紅旗紅邊

二司把總紅旗藍邊

三司把總紅旗白邊

四司把總紅旗黑邊

以上纓頭俱用藍色

右千總紅旗白邊

一司把總紅旗紅邊

二司把總紅旗藍邊

三司把總紅旗白邊

四司把總紅旗黑邊

以上纓頭俱用白色

後哨哨將號旗黑

左千總黑旗藍邊

一司把總黑旗紅邊

二司把總黑旗藍邊

三司把總黑旗白邊



四司把總黑旗黑邊

以上纓頭俱用藍色

右千總黑旗白邊

一司把總黑旗紅邊

二司把總黑旗藍邊

三司把總黑旗白邊

四司把總黑旗黑邊

以上纓頭俱用白色

左哨哨將號旗藍

左千總藍旗藍邊

一司把總藍旗紅邊

二司把總藍旗藍邊

三司把總藍旗白邊

四司把總藍旗黑邊

以上纓頭俱用藍色

右千總藍旗白邊

一司把總藍旗紅邊

二司把總藍旗藍邊



三司把總藍旗白邊  
四司把總藍旗黑邊

以上纓頭俱用白色

右哨哨將號旗白

左千總白旗藍邊

一司把總白旗紅邊

二司把總白旗藍邊

三司把總白旗白邊

四司把總白旗黑邊

以上纓頭俱用藍色

右千總白旗白邊

一司把總白旗紅邊

二司把總白旗藍邊

三司把總白旗白邊

四司把總白旗黑邊

以上纓頭俱用白色

中哨哨將號旗黃

左千總黃旗藍邊



一司把總黃旗紅邊  
二司把總黃旗藍邊  
三司把總黃旗白邊  
四司把總黃旗黑邊  
以上纓頭俱用藍色  
右千總黃旗白邊

一司把總黃旗紅邊

二司把總黃旗藍邊

三司把總黃旗白邊

四司把總黃旗黑邊

以上纓頭俱用白色

凡百總與本司把總旗色同

車正旗色與百總同

凡每車舵工專管車兵而車正亦得兼管其佛郎  
機手箭手鳥銃手俱聽車正專管其殺手一隊聽  
隊長管而車正通得兼管除隊兵計共二十人爲  
一車每十車爲一宗每三宗用百總一員是爲一  
局每四局用把總一員是爲一司每四司用千總



一員是爲一部每二部用將官一員是爲一哨多  
多放此每正車外加糧車十六輛每車車正一名  
舵工一名兵十二名騾十頭正營行時頗窄今加  
十六輛於四門永無議矣

凡造完車乘派到哨內取各千把百總車正各管  
御不致損壞收管繳報一面將車上各項軍民兵  
勇每日撥一名守車每日輪把總一員車正每一  
總一名巡邏過夜至次日平明交代與換班之人  
赴主將處回話稱云巡車無事如有車上什物釘

鐵之類損失一件俱該日把總之事除細打外仍  
責巡風總正車兵賠償交代之時上班官兵務要  
將車細看如有前項損失卽扭前班之人赴該管  
查究如容隱不舉及已代替進城而方覺舉者只  
坐見班之罪仍將此項每一總刊寫輪班水牌二  
面撥兵填牌發與遵守牌到而赴代遲悞者軍法  
重治

凡雜流每一哨下大小將領金鼓雜流吹鼓手十  
六名養馬軍八名五方旗五名五方號帶五名金



鼓旗二名、大標一桿、三名、燈籠二名、識字三名、旗牌八名、軍牢二十名、伴當十二名、木匠四名、鐵匠四名、厨役一名、家丁十二名、馬一百匹、不足者聽之。

每一千總、下識字二名、軍牢八名、家丁四名、馬十匹。

每一把總、下識字一名、軍牢六名、家丁四名、馬五匹。

每一哨官、下馬夫一名、家丁二名、馬二匹。

每車正、下家丁一名。

以上馬不足者聽之。

編水兵

紀效新書曰：船一隻、捕盜一名、家丁一名、舵工二名、斗手二名、瞭手二名、旋手二名、守艙門二名、掌號一名、神器四名。此一定不可增減。兵八隊、每隊隊長一名、兵十名、共八十八名。或七隊、或六隊、五隊、相船相地、損益之。凡船號最忌名色雜踏、不一、不一則號令繁雜踏。



則士難辨混淆無有綱領何以坐籌制勝應只一號至六號而止不呼船名者直閩廣等處俱稱澤國皆有海腹裏江河尤多隨處土造船隻名色不等各地方駕使相宜各執其便故有以小船而繫賊巨艦者有以大艦而輕視小船者有以寡視衆者有以衆困寡者此書欲東南凡有江河湖海之處通融爲用故不執一處船名各處于定號之外加船名一字更爲易辨每一寨係一將領者不拘船之大小多寡均勻分派但係一寨之尊不拘叅遊都守把總一例曰主將各量分親船爲中中中中軍領之緣將領所職應在衝要故多其數以便督進若主將往中左右各司巡邏監督只將中中隨後便於往來一到彼哨又有該哨相幫卽稱重矣永不許抽零司哨之船若主將仍抽取司哨寸板以致司哨寡弱悞事只重罪主將主將中軍船不及各司數者以其常與一司合爲一處勢已倍於他哨而船中必擇其第一堅大者爲中軍司將勢已厚餘分爲中司左司右司每司分二哨共六



哨船多則加前司後司又各分二哨共十哨由此知之大小相兼大約十船以下五船以上為一哨哨官領之兩哨為一司分總領之三司二司則為一部主將領之

凡每船上大旗俱用黑布一則便於遠瞭一則合於水性也仍用白布取寨名一字大書加於旗心各照方色製以號帶每隊長小旗一面各照本船號帶方色

凡捕盜專管一船之務無所不理凡入船容兵俱

聽管束第一當重其事權俾有專力無掣肘可也舵工專管舵兼防舵門下攻守棹手專管棹正頭前攻守繚手專管帆檣繩纜主持調籤斗手遇賊則上斗用犁頭鏢下射賊舟神器手專管定發無敵神飛砲掌號手專管接應司哨號令及獨船對敵進止號令守船門者臨敵牢守船門平時管一應家火槓具支銷晝夜出入關防隊長司一隊內攻守督兵用命賊近專發火桶平時督兵習藝脩治軍火器械



一號某字船一隻捕盜一名家丁一名舵工二名  
 斗手二名瞭手二名旋手二名守艙門二名掌號  
 一名神器四名此一定不可增減兵八隊每隊隊  
 長一名兵十名共八十八名或七隊六隊五隊相  
 船相地損益之後各號船皆倣此旗幟方色俱隨  
 本哨

第一隊

此隊在船始終用此器隊長習用火桶



第二隊

此隊在船始終用此器隊長習用火桶





### 第三隊

此隊在船以長鎗手四名管狼機二位牌手管射鏢仍用牌  
射手仍用鈇射手賊遠射火箭賊近舉噴筒隊長習用火桶

長	隊
手	牌
手	牌
鎗	長
鎗	長
鎗	長
鎗	長
箭	兼鈇

第四隊 此隊在船以長鎗手四名管百子銃一位餘同第三隊

長	隊
手	牌
鎗	長
鎗	長
手	射
箭	兼鈇

### 第五隊

此隊在船以長鎗手四名管狼機二位餘同第三隊

長	隊
手	牌
鎗	長
鎗	長
手	射
箭	兼鈇

### 第六隊

此隊在船以長鎗手四名管百子銃二位餘同第三隊

長	隊
手	牌
鎗	長
鎗	長
手	射
箭	兼鈇



第七隊 此隊在船以長鎗手四名管狼機二位餘同第三隊

長	隊
手	牌
鎗	長
鎗	長
手	射
箭	兼 鈮

第八隊 此隊在船以長鎗手四名管百子鏡二位餘同第三隊


長	隊
手	牌
鎗	長
鎗	長
手	射
箭	兼 鈮

大旗式

凡旗俱用官尺後皆倣此

號帶長一丈三尺

列船閱視圖





武備志卷一  
 二號某字船一隻捕盜二名家丁一名舵士二名  
 斗手二名瞭手二名旋手二名守艙門二名掌號  
 一名神器二名隊長六名兵夫六十名旗幟方色  
 俱隨本哨

第一隊 此隊在船始終用此器隊長習用火桶



第二隊 此隊在船始終用此器隊長習用火桶





第三隊

此隊在船以長鎗四名管狼機二位牌手管射驃仍用牌、  
射手仍用射鈚手賊遠射火箭賊近舉噴筒隊長用火桶

長	隊
手	牌
鎗	長
鎗	長
手	射
箭	兼鈚

第四隊 此隊在船以長鎗四名管百子鏡二位餘同第三隊

長	隊
手	牌
鎗	長
鎗	長
手	射
箭	兼鈚

第五隊

此隊在船以長鎗四名管狼機二位餘同第三隊

長	隊
手	牌
鎗	長
鎗	長
手	射
箭	兼鈚

第六隊

此隊在船以長鎗四名管百子鏡二位餘同第三隊

長	隊
手	牌
鎗	長
鎗	長
手	射
箭	兼鈚



號帶長二丈一尺

大旗式



列船閱視圖

三號某字船一隻捕盜一名家丁一名舵工一名  
 斗手二名瞭手二名旋手二名守艙門二名掌號  
 一名神器二名隊長五名兵夫五十名旗幟方色  
 俱隨本哨



第一隊 此隊專舉鳥鏡隊長習用火桶

長 隊	
鏡	鳥
鏡	鳥
鏡	鳥
鏡	鳥
鏡	鳥
鏡	鳥
鏡	鳥

第二隊 此隊在船以長鎗手四名管狼機二位牌手管射鏢仍用牌  
射手仍用射鈚手賊遠射火箭賊近舉噴筒隊長習用火桶

長 隊	
手	牌
鎗	長
鎗	長
手	射
箭	兼鈚

第三隊 此隊在船以長鎗手四名管子鏡二位餘同第二隊

長 隊	
手	牌
鎗	長
鎗	長
手	射
箭	兼鈚

第四隊 此隊在船以長鎗手四名管狼機二位餘同第二隊

長 隊	
手	牌
鎗	長
鎗	長
手	射
箭	兼鈚




第五隊 此隊在船以長鎗手四名管子鏡二位餘同第二隊

長	隊
手	牌
鎗	長
鎗	長
手	射
箭	兼鈚

式旗大

號帶長一丈九尺

圖視閱船列





四號某字船一隻捕盜一名家丁一名舵工二名  
 瞭手二名斗手二名旋手二名神器二名掌號一  
 名隊長四名兵夫四十名旗幟方色俱隨本哨

第一隊 此隊專舉鳥銃隊長習用火桶

長 隊	
鏡	鳥
鏡	鳥
鏡	鳥
鏡	鳥
鏡	鳥
鏡	鳥

第二隊 此隊在船以長鎗手四名管狼機二位牌手管射鏢仍用牌  
 射手仍用射靶手賊遠射火箭賊近舉噴筒隊長習用火桶

長 隊	
手	牌
鎗	長
鎗	長
手	射
箭	兼 靶



第三隊 此隊在船以長鎗手四名管百子鏡二位餘同第二隊


長	隊
手	牌
鎗	長
鎗	長
手	射
箭	火兼鈇

第四隊 此隊在船以長鎗手四名管狼機二位餘同第二隊

長	隊
手	牌
鎗	長
鎗	長
手	射
箭	火兼鈇

式旗大

號帶長一丈八尺





五號某，字船一，隻捕盜一名，家丁一名，舵工二名，招手二名，瞭手一名，旋手一名，掌號一名，隊長三名，兵夫三十名，旗幟方色俱隨本哨。

第一隊 此隊專舉鳥鏡隊長習用火桶

長 隊	
鏡	鳥
鏡	鳥
鏡	鳥
鏡	鳥
鏡	鳥

第二隊 此隊在船以長鎗手四名管被機二位，牌手管射鏢仍用牌，射手仍用射靶手賊遠射火箭賊近舉噴筒隊長習用火桶

長 隊	
手	牌
鎗	長
鎗	長
手	射
箭	兼 靶



式旗大

號帶長一丈六尺

方七尺 闊九幅 長一丈一尺

圖視閱船列



第三隊此隊在船以長鎗手四名管百子銃二位餘同第二隊

長	隊
手	牌
鎗	長
鎗	長
手	射
箭	兼鈇



六號某字船一隻捕盜一名家丁一名舵工一名  
 招手一名瞭手一名旋手一名掌號一名隊長二  
 名兵夫二十名旗幟方色俱隨本哨

第一隊

此隊在船以長鎗手四名兼狼機二位百子鏡二位牌手管射鏢不用  
 牌射手仍用射鈚手賊遠射火箭賊近舉哨筒隊長習用火桶

長	隊
手	牌
鎗	長
鎗	長
手	射
箭火	兼鈚

第二隊 此隊在船長鎗手四名專舉鳥銃餘同第一隊

長	隊
手	牌
鎗	長
鎗	長
手	射
箭火	兼鈚



號帶長一丈四尺

大旗式



列船閱視圖

七八號船如喇吹唬八漿船漁船哨馬之類或爲  
 飛哨或用銃箭賊舟大而無風便于圍遶因攻隨  
 所地方挨次編定每船舵士一名卽兼捕盜之政  
 家丁一名瞭手一名守船一名兵丁隊大約不出  
 二十名之外陸操卽以舵工充隊長照執把軍器  
 不必用火器如吹喇唬用人多聽臨時于大船撥  
 發上



第一隊 此隊照大船殺手惟長鎗四名兼習鳥銃

工 舵	
手 牌	
鎗	長
鎗	長
手	射
箭	火 兼 鈹

水兵腰牌正反面

寨司	年					
歲	縣	都	人	身		
長	尺	寸	面	鬚	上	
有	疤	處	力	百	斤	水
藝	陸	藝				
年	月	日	給			



武備志卷七十一

防風茅元儀輯

陣練制

練四

懸令

茅子曰懸令有二則一曰禁令一曰賞罰即禁令之中而罰亦具矣所以著古今賞罰之格者欲將士曉然於利害之途而以固其守禁令之心也軍師將出必三令而五申之然不先懸於教訓之時



而欲驟發其恪遵之志，必不能也。故不歸於戰而歸於練，別有條件，獨切于其事者，則見于其乘，茲不復再。

禁令

賞罰

禁令一

行軍須知曰：兵法曰：以賞為表，以法為裏。又曰：令之以文，齊之以武，是謂必取。統軍領眾，賞不明則士卒不盡功，罰不嚴則士卒不整齊。故曰：賞為陽，罰為陰。賞罰平則陰陽和，陰陽和則寒暑不差。寒暑不差則萬物得時，軍貴在上下和。上下和則三軍如一。三軍如一，遇戰齊心，齊心則必勝。故孫武穰苴賞罰明，則威加敵國也。又諸葛武侯云：禁令有七：一曰輕軍，謂期會不到，聞鼓不行，乘寬自留，迴避務上，初近而復遠，喚名而不應，軍甲不具，兵器不備。二曰慢軍，謂授令不傳，傳之不審，以惑士吏。金鼓不聞，旌旗不覩。三曰盜軍，謂士不廩糧，軍不部伍，賜財不均，阿私所親，取非其物，借貸不還。

世傳偽武侯新書上不見此應知武侯別有逸書也



奪人頭首以獲功名四曰欺軍謂變易姓名衣服  
不鮮金鼓不具兵刃不利器械不堅箭矢無羽弓  
弩無弦主者吏士法兵不從五曰背軍聞鼓不行  
叩金不止按旗不伏舉旗不與指揮不隨避前在  
後縱橫亂行毀折弓弩怯退不鬪或左或右挾傷  
舉死托故歸還六曰亂軍出軍行路務要爭先紜  
紛擾擾車騎相連咽塞路道後不得前呼喚誼譁  
無所聽用先行亂次上下縱橫七曰誤軍屯營所  
止聞其鄉里親戚相隨共食相保謳歌錯亂聞令  
不前千誤次第不聽呵止度營出入不由門戶不  
自啟白奪人飲食大言驚語疑惑吏士此說甚明  
亦未盡其理今具隨軍禁令五十九條於後宜遵  
守之

一吏士承受到軍令合行告諭眾人知者不得妄  
有增減言語或動搖衆情別生利害  
一承受到軍期密約號令及關報賊情聲息事宜  
文字只令長吏自知常作隄備不許漏泄令眾人  
知之如漏泄致賊變生者斬之



一承受到應係所屬官司告報文字合行告報曉諭衆人知之卽不移時須當分明一名各盡知不得轉托他人附語告報事不審實致有錯誤設或文字合有關報申舉不得時刻遲滯如係常程文字別有踈虞罪有所歸如誤軍期急速文字者斬一應係軍在野營關報賊馬事宜文字但一事有違罪在不赦

一士衆實有病患艱於行履驅使者卽時報覆主將速令擡往寄所不可枉占少壯擡行或避役而托病者罪有所歸吏士相容者同罪

一士衆有聞自家軍中變動或聞賊軍消息來報主吏不拘晝夜卽時引報主將不得時刻遲滯報而不實者罪之

一出軍在外常切點檢隨身衣甲器械鞋履整齊準備緩急用之

一寅夜點檢更號餽餉戰馬檢拔大隊恐有容隱姦細之人偷竊軍機夜號

一常備隨身器械整齊合用相須之物不可缺一



或有弓弩無弦、箭無羽、鏃或有而不牢、及有弩牙器械不利、施放不行、主將用心點檢、備敵用之。

一衣甲破損尋常、串聯官給皮線、錐刀務整齊。

一鎗刀器刃劍戟等物、常要快利。

一後期不至、至而隨身器械不具者、斬。

一行列不齊、旌旗不整、金鼓不鳴者、並坐罪。

一與賊私相交語、與書疏、同罪之。

一不得漏泄軍中陰陽事。

一失主將者、隨行卽坐罪。

一失旌旗節鉞者、全隊斬之。

一臨難不相救護、戰鬪失關河險隘之處者、斬。

一不許訛言誑惑軍衆、及妄說陰陽卜筮鬼神、或

採合歌詞、搖動人心者、斬。

一軍士無故驚斗奔走、妄言烟塵事者、斬。

一遺棄隊伍、軍器兵裝不謹、或見而不拾、拾而不

納者、以其罪罪之。

一進發前隊遺下兵器及錢物等、後隊拾得、在路

須要收拾、將至營寨、令本將識認、給付。



一自相竊盜一針一縷同罪

一吏卒不許相容賊情事理情由

一恃強凌弱忿爭酣酒喧呼無禮不服者罪如律

官賜犒勞酒醉者不坐

一借貸賒貨買物依市交還錢物不許違約

一無故不許軍中奔走軍馬

一破賊不許虜掠入境即回

一擅棄五兵衣甲飲食汗井竈敗糧草罪之不赦

一入他境不許欺凌婦女殺害老小毀折墳墓燒

毀民屋倉庫斫伐林木

一入他境不得令人賊界取河井水飲之恐放毒

藥在內

一入他境不奉令不得擅掘水塘放火延燒積聚

一更鋪失記接夜號及止宿他火吏士知而相容

者問罪

一守圍不固罪及主吏

一不服差使或主吏不均平罪有所歸

一不許將帶異色及他貨并婦人入軍中



一應有兵器軍士配定隨身雖一弓一箭須書名在上記號或遺失易為照驗

一違將軍一時之令者斬

一先鋒殿後遇有賊犯火速傳報主將

一先鋒遊奕捉生入他境不得先放烟火恐驚自家入馬及賊見預備

一行軍得令即住軍住得令即行違悞罪之

一金鼓得令即鳴得令即止

一旌旗得令即開得令即捲營陳同

一探報白旗者見賊即開無賊即捲

一配定諸隊旗號不得雜亂若過換交加如有不

便即上請

一隨身衣甲器械不得容私脫換如有損折或不

便使用者即別請如善弓弩鎗刀之類者從士卒

之便

一配定人馬隊伍不許私自轉換如有疾病即與

主吏押隊人說知報有所屬別差人填替

一配定隊伍次第而行雖遇急速路逢險阻後隊



不得攙過前隊

一賊壘相近事有招呼不許高聲叫喚恐賊聞知

凡主將有令指揮事理須是令惺惺人當面一隊

一隊告報押隊人負須逐名曉諭令兵士會得事

意或勾動押隊人負主將當面指揮如兩軍對牌

即不得勾動押隊人負須是使偏將親行告諭各

各會意則臨事不悞也

一野營日出開門日在閉門其守門人要辯認奸

詐

一野營日暮差出伏路人馬已出營門其有事回

報即隔門傳報先辯軍號及辯語音識認是自家

軍人方可向前問得事宜次第報知方可開門

一伏路人馬在外多恐被賊兵所捉於夜黑監放

來詐作有事故報覆寨中及賊施計謀欲陷我軍

者須是隔門仔細辯認

一野營中夜後伏路人去先放其號與之則營中

別令放號不得令伏路人知之恐被賊所捉偷號

亂營

以下宜入營然  
經時亦當先識  
故載於此



一營中專令一人主管夜號簿籍放號不許重疊恐有交錯其號須是主將臨夜親行發放不得預定

一野營中遇夜透入奸細在營內但得令士衆不得動身叫喚肅靜禁聲諸隊安坐則細作自然不敢興動候天明識認如身動者卽賊也

一野營賊壘相近不鳴更鼓多是暗坐五更若要知更數須是於營裏外周圍數里傳箭爲準如令夜初更至曉傳得五十轉則每更得十轉以此爲約今置簿詔定何年月日夜營圍里數看四時晝夜長短臨期增減爲約如賊相近故要鳴更號者則不然也計在臨期變通

一安營日久軍士不得眠睡人多困倦精神不爽懈怠無力銳氣漸衰須令逐隊圍子隔一人坐更一人睡分前後半夜爲定庶幾人得眠睡精神不疲

一應士卒人等不許強弱相凌主吏不約束者同罪



右已上禁令之法已定若有違犯不依律令者罪有所歸如軍在野營有臨陣違犯主將令者並斬定須審察事情重輕臨時處分軍未發前一日分明三令五申各曉其意精嚴告諭訖然後軍發如此則士心知懼人人自勸矣武經總要曰凡行軍及在營應軍中條約主將並須先出榜曉告令將士知審凡軍行大將平明與諸將論一日之事暮與諸將議一夜之事

凡欲攻圍只主將知委應行將士不得預知並臨時唱發

凡前有鬪敵主將先須下令合到遠近處所及收軍記號準節

凡軍行在路四面各三里止絕行人不得令輒犯隊伍犯者並執送所在官司其山川狹隘處更不定地里但犯隊伍者卽坐

凡將佐在行營應交代者舊將不得出迎先令嚴兵守備待新將到營發符敕合同卽聽交代



凡賊已臨境事機急切而主將不在軍又馳報不及者卽副使商議與發兵馬仍飛報主將

凡將佐及將士內有宿相讐嫌者不得相監統及同營隊士卒具事申主將主將奏聞

凡未發軍三日以前所須排比畢定臨行一日須內外寂靜如常日

凡主將給親兵外不得更於諸軍諸隊抽揀勇士爲隨身防衛

凡行軍不得踐踏田苗

凡與敵戰勝逐賊須留軍於後守輜重諸軍不得輒動其奇兵追赴不得過百步審知賊勢敗散乃許遠逐之

卽親戚亦當禁

凡行營吏卒非於親戚不得輒受他人饋遺財物凡營幕作食事已訖未昏以前須滅火或夜中有文牒及抄寫須火燭者申主將判押了聽

凡營壘已定兵士須出採樵及市易者人持一木牌書其姓名門司驗認始聽出入者二人以上不得獨自



凡營門常須嚴整呵察出入雖敕使至皆須先報  
主將候嚴整軍備然後見  
凡破城陣所得軍器糧儲卽收入官餘物並給獲  
功之人

凡敵中有人來降卽直引見主將餘人不得輒問  
賊中事宜

凡步軍旣入城境除器械外不得負重過十斤如  
不在賊境任輕重自負

凡馬軍除器甲及戰須物外不得負斤兩之重

凡隨軍發糧運須主將密定行期關報官司不得  
漏泄

凡一軍正給旗鼓外更多具其數以備疑兵之用

凡士卒給弓弩須分軟硬爲三等量人力彊弱均  
配衣甲亦定長短爲三等量人材大小給之

凡朝廷問機密事宜及兵甲錢糧文字不得只憑  
口宣須親見宣敕方得奏報

凡行軍主將不以有無事機並須日一發奏仍入  
急遞或事非文字可傳者卽差親信馳奏



凡士卒臨事務熟主將指呼如已分定使臣主領其所管部隊不得頻有移易

凡軍行在道十里一令整齊二十五里食乾糧五十里宿食或步騎衆多或山川險阻並令主將約

此裁令

凡軍中不得多繫俘虜虛占防守之人

凡賊境有直路狹隘險阻泥陷處不得引軍過之以防掩襲

凡軍行所至處有冰泉及放牧草地並差人監管

不得令濁亂及非理踐踏

凡破賊得殊方異物堪以奉人主者隨物給價與所獲人物即歸官

凡士卒臨陣隨身私物將挈不行者各書姓名色件付本隊輜重主者

凡將欲臨陣士卒不得執作勞役聽補緝衣履務令安逸

凡兵士軍裝衣資並將校檢察勿得浪費

凡士卒乘馬皆本軍將檢遞為檢轄令謹切愛護



以時飲餉

凡馬軍未見賊騎十里步十里事非警急不得輒馳走以損馬力

凡馬須擇揀遲速相等者給配同隊有彊惡者別揀為羣以備衝突若性惡不可制者不得給配戰士

凡戰士給配得馬有鈍弱不堪入戰者許自白主將聽與換給

凡探候得賊事宜並與隣道主將密相關報

凡軍行主將先令士卒曰軍行所到之處兵士不

得妄割稼穡擅伐林木殺六畜掠財物姦犯人婦女

女

凡將佐三日一巡本部吏士營幕閱其飲食精麤均勞逸恤疾苦

凡軍中不得採風言及受匿名論人是非者恐賊人謀害良善

凡軍中不得諷誦歌詩曲調感切人者及樂中不得為悲涼之聲



凡士卒有過本因錯失非有害軍士者主將量情減擬以懷人心

凡軍疆暴凌人不受羈制者並當除去

凡軍中除依時教閱外主將不得勞擾軍士務令休息

凡軍行住營三日外並須教習武藝繕備器械

凡軍中教射先教射親次教射遠

凡輜重常令在中軍不得在前後恐賊偏攻

凡軍營無利不在經時久則弛慢賊因得計但時

有移易則人不懈怠賊亦不測

凡陣破不許捉生恐因爭競以致軍亂

凡吏士殺敵得資財蓄產並悉數以白大將無得

輒隱

凡合戰時不許收賊器恐軍號錯雜

凡軍中掠獲除按條賞士外大將不得輒取

凡得被掠將佐及敵中偏裨並驗問申奏

凡陣中不使羸老疾病人在戰列恐牽潰行陣及

不使工巧人戰鬪妨葺理軍器



凡書生雜吏不許臨陣觀瞻

凡得敵中降人自陳軍中利害者不可即聽須受而審覆之

凡得生口無問逆順皆不得輒殺以招來者漸以誘開敵情亦不可縱逸防為間諜

凡賊勢未窮感輒求和者當佯許勿拒之益戒軍中為備

凡行營每隊定官一員專察高聲或諸軍前後相遠須傳聲喚人則委差定當傳者他人不得輒傳

合傳不傳不合傳而傳者皆論如軍律

凡軍中請器械并戰袍並定斤兩標記色號槍劍弓弩等並各記之軍司明立文簿軍還送納皆按簿交受

凡軍士請納器甲須本營將校部勒同畢不得前後自便

凡軍中人得賊遺物產並當自於所屬送納

凡軍中除炊炮及應得存火外餘並不許輒留

凡軍士不得輒議敵軍中事宜



凡軍中除習武藝為戲外如拔距投石之類也餘博戲並皆禁斷

凡軍中有克捷所送露布由都部署以聞乃牒轉運使徧下管內

武備志卷七十二

防風茅元儀輯

陣練制

練五

懸令二

禁令二

練兵實紀曰練將吏之膽凡二十二條

第一公賞罰凡賞罰軍中要柄如該賞者即與將領有不共戴天之恨亦要錄賞患難亦須扶持如



犯軍令便是親子姪亦要依法施行決不許報施恩讐有此者以其所報之罪坐之

第二信口耳發號施令預先決定不可臨時反覆使三軍疑惑故云將無還令凡應行軍務係有文字事緩者除通行揭示外若值緊急軍機雖有文字抄示不及者主將門上掌號笛各哨將傳帶頭目自百總以上赴聽面諭或哨將門上掌號笛百旗總以上俱赴哨將聽諭若曰主將一人車步騎官兵數萬一句說話如何傳得徧知但主將號令只傳哨將哨將只傳千把總千把總只傳百總百總只傳旗總旗總只傳隊總隊總口授軍兵而止須要傳說明白叮嚀熟記若一時聽記不全還挨次再問所傳之人若都問不明再問主將不許攙越推挨若有得令不傳傳到不遵及與傳說不明或忘記不來再問以致誤事者軍法重治千係哨將者事小則治其中軍官其告示文字之類亦要挨次抄傳互相字字說明以上二項傳諭口令抄謄文字仍要一字一言不許增減及別添禍福之



說每傳畢差巡視旗於街上或歇家喚二三箇軍來問之如悞查治所由

第三明號令軍中非大將領副將下輒出號令及改易旌旗軍號者重治若號令未便須合改易者先申大將如事當機速不及先申其改易實便者不坐

第四戒漏泄承受到軍期密約號令及關報賊情事宜文字只可傳到將領等人負自知提備不許漏泄令眾人知之如漏泄致賊變生者軍法不貸

第五禁乖異凡將領官哨隊長不相和協傾陷妬忌因而誤事者軍法處之商議兵機務在平允即時決定違與執拘者處治

第六禁妖妄訛言誑惑妄說陰陽卜筮道釋鬼神災祥禍福搖動衆心者重治因而誤事者軍法從事

第七稽士情主將常察士卒饑飽勞逸強弱勇怯材技動靜之情使之依如父母則和氣生和氣則心齊兵雖百萬指呼如一人



第八禁勞役凡軍中除教閱外將領不得以無要  
緊事勞擾軍士務令休息卽用一人如勞自己一  
般

第九重身率哨將千把總各有坐馬有家丁馬百  
旗隊總各有騎馱馬必須自己先照條約逐一點  
檢然後方可責軍以不如式之罪如自己不點檢  
者哨將每一月一驗輕則自行責治扣廩糧處辦  
重則解送主將重治哨將之馬聽主將驗治

第十定軍禮千總見本管主將兩跪一揖合營主  
將亦如之路迎從便別營主將官衙拜帖角門庭  
叅一跪兩揖後堂旁坐待茶把總見千總平時兩  
揖一跪入營奉臺上發放則跪而聽之私諭旁立  
受教途遇本管千總下馬拱立遇合營千總待如  
本管禮路迎從便遇別營千總讓道馬上拱候隊  
總之於旗總旗總之於百總平時於教場俱照兵  
士之於隊總其途遇本管把總百總俱下馬倘見  
遲下馬稍誤不必加罪但終於下馬卽已非所管  
者道旁策趨不許抗禮凡議過禮節定要遵行諺



云軍中立草爲標但一字一言出口就是軍令更易不得雖卑如隊長所管九人既知惡屬下九人抗違不能行事卽知已身不可又効屬下之人復抗在上頭且夫軍機乃國家重務情難掩法敢有親識相容故違明抗容者犯者通以軍法重治

第十一禁驀越隊總旗總文移只至千把總千把總文移只至哨將哨將各區者只至督撫鎮道轉達不許擅往都會說人是非逞已功勞標下者只至各標主將轉達如有驀越各上司徑行者查究

參呈甚或有仍前結交京要私寫揭帖有所傾害人者訪出定行重治明有天道幽有鬼神決不相此奸心險行之徒

第十二明責成凡責成之例不拘平時臨陣小而一切號令有違作奸犯科大而退縮致誤軍機每二名必連及隊總一隊必連及旗總一旗必連及百總一局必連及把總一司必連及千總一部必議及哨將若先呈舉者免坐至於賞亦如之但云自二伍以上以至一部非謂盡伍司之人皆犯也



蓋以各伍俱有犯者卽是器械不光亮專責旗總  
號令不明通專罪千把總武藝不精習專責百總  
逃去奸盜等事不詰首專罪隊總與同隊甲兵所  
謂專者特於此等人加重也非是只責此下人員  
而本管大小頭目便不相干

第十三稽騎什馬上鞍轡什伍每雙月哨將點驗  
一次單月千總點驗一次每月把總點驗一次每  
三操過旗隊總督查一次

第十四補軍限凡遇事故頂補每月初一十五二  
次呈送驗發

第十五禁差濫凡軍稱曰軍士戰士力士勇士義  
士士卒夫必稱曰士者所以貴之也朝廷之命名  
貴士如此所以望之出力疆場衛國保民其責非  
輕今却使之爲轎夫廝役以廝役待士而欲其出  
死力捐命禦寇有是理哉緣往日責實未至習弊  
成痼恣人占用迎送上司無不安然順承只恐結  
下怨恨陰爲訾害未思將軍馬累壞失損復失其  
心萬一有事不能戰禦利害在誰卽使平日執持



得罪於人比敗軍失守之罪孰重况主客將領既定有雜流以供差用復以何辭擅役伍軍如有私情應迎送者准於雜流內差撥敢將編定戰兵擅遣差使迎送者各以責成款內分數治罪坐區副叅遊守把等官除正額應用人役外凡守堞守墩遠哨守口之人一名不許擅行差遣凡各處公差人到亦不許擅作威福強取跟用今置循環差簿二扇其頂缺帶糧不該輪差者俱不必開只將實在軍士逐名一字平列開在冊內馬軍另爲一起步軍另爲一起該營自置票板一方印刷差票發各中軍提調收候凡差一軍必須填票一張明註爲某事見差某人票收軍人之手差註循環之簿每半年查比外仍聽不時調票查對如票有而冊無或票無而冊有者俱係將領私用及賣放之弊並不准作數其軍士買票者定從重懲治補差如填某差而却私用者許各軍即時將票赴府陳告定與查處審出定將填票官識重治本告免差半年決不許各隊抽差致亂行伍違者哨將而下通



以軍法責究。

第十六稽功過各哨將立功過總簿一扇每千分與一扇凡遇百旗隊總及兵夫尋常勤勞譬如多差他行了幾十里路多差他幹了一件事紀在功條一次與人言語之爭不至軍法處者紀在過條一次兵之功過隊旗總開送百總轉送把總紀之凡百把千總與中軍家丁夜不收雜流功過俱哨將紀之附於總簿每積一月聽弔查一次類行賞罰。

第十七體初犯官兵除犯有行營野營對陣軍機及謀逆殺人奸盜詐偽賭博等項重情不論初犯二犯必行軍法外其餘一切小過并違犯新出號令平時操行號令者初犯免究二犯紀過於簿三犯方網打。

第十八視病期凡病兵初病者視之以後在隊總則時時看視旗總則十日一看百總則三日一看把總則五日一看千總則十日一看哨將每半月一看主將惟看病重者存恤之。



第十九稽逃故凡遇有逃故本伍卽刻報隊總隊  
總報旗總旗總報百總百總報把總把總報千總  
千總報哨將卽於本日開手本呈遞哨將一面行  
令該管隊伍將故者一切衣裝財物點查并身間  
有無銀兩聽詳給付本主家屬有敢尅留者以軍  
法論仍加倍追恤故軍之家

第二十分軍餉軍士月糧賞賜出先將數報知卽  
時委官并請主將委官監鑿包封先刊印板一方  
上書某月糧額該若干每人以一分爲耗委官某

人懸限二日內完足請主將下教場或在衙門通  
候軍士集到唱名給與先取一封秤兌如一封不  
足則所包諸封盡行算數倍償治罪軍士已散到  
手若復情愿送人者日後告狀亦不許扯引在內  
如未散到手而本管官私尅並不稟鑿包封而徑  
散者通坐以邊海錢糧論徑聽告理

第二十一捕掬各營官軍有犯事同一起者不  
許擅自拘捕問理須呈本營哨將轉行彼哨取來  
仍令各中軍官會問通詳主將定奪不許一營偏



斷

第二十二明勾攝軍衛有司提取官軍一面留差人等候一面呈請主將酌量時勢緩急事體輕重摘發收問如不請詳而擅聽拘去者同隊同夥該管官員把總以下通治若已呈詳而本總哨將不為留人轉詳及遲延者拿書手治罪若差人強拏不由分說者先將此令與看說之不聽一面拘守一面飛報主將收監定以打攪軍政阻撓練兵參治

練士卒之膽凡二十二條

第一辯真操夫陳師鞠旅列衆於場謂之操練爾等知之矣殊不知教場操練不過明金鼓號令習射打擊刺手藝之能此等事不是在人家房門院牆內做得故設教場操練之平時在各歇家之時若肯心心在當兵起念一心以殺賊為計蓄養銳氣脩治軍裝講明法令通之以情結之以心何常不是操練也

第二正名法行伍既定軍士與旗隊總同宿歇一



房者立則傍立坐則傍坐所睡床坑不拘方向飲食之際軍士候旗隊總旗隊總務先取其次者以成揖讓之風凡有當行事體軍士務聽旗隊總言語不許抗違如旗隊總有過集本旗并一隊之人合辭諫止一次不聽再諫又不聽三諫稟百總知若因諫止旗隊總既不知過又計害軍士以圖報復者軍士避之不可與爭只赴百總處告知百總亦曉諭旗隊總知過再不知過若與軍挾怨者送把總處治若軍士有小過旗隊總即時口責三次不聽先將令書供在卓上無卓則懸於壁命犯兵跪旗隊總立傍云你這箇人所爲今對號令某一款所犯相同我念同歇處恕你二次你又不改今照令書處治多不過十棍不服者徑送本營將官處凡軍士與不係本管旗隊總同歇者亦讓以兄長之禮凡事遜避不許衝犯其餘則平處係百總則照旗總禮百總與旗隊總同居者照依軍士共旗隊總同住例隊總見本管旗隊總讓道而行旗隊總見百總讓道而行往會之禮俱另開於後



第三恤病傷凡軍士有疾病同夥房卽報本管隊  
總隊總卽報旗總同到歇處驗過卽報百總徑赴  
本哨將并主將處報知聽遣醫診看病形輕重百  
總一面再報該管把總把總報千總千總報哨將  
知會所以百總卽報主將者蓋病人一時感患立  
待救濟若循資挨報七八處衙門何時報達得遍  
也凡報病者不論大小衙門啟閉冗暇卽時投入  
如有把門人阻攔及將官施行遲悞者罪坐所由  
報病遲過一日者罪在報遲之官若因遲報致病  
兵身死者究其遲悞之人以軍法

第四達士情軍士若有公事私事緊急欲訴本管  
者先與旗隊總言之徑赴應該千把百總處門上  
卽時放入不許攔阻執序把百總以下不拘暮夜  
食寢之時卽穿衣領赴某衙門或應自往者論其  
自往務要耐煩待他如或厭惡作性不與他好好  
曉諭者或被訪出或問本人得知定將該管官記  
過類論

第五連覺察同隊之人卽不同住同住之人雖不



同隊務要互相覺察彼此奸弊三勸不改即報在本管如軍士犯法報在隊總隊總犯法報在旗總旗總犯法報在百總之類各先行量處如處過不悛報在哨將再處不悛報在主將必以軍法重治第六嚴禁戢平時恃強凌弱酗酒忿爭喧驟無禮蹂取人果稼作踐人廬器分別輕重治之貫耳遊營奸淫人婦女偷盜人財物軍法示衆以上有犯但係同夥同隊之人有一舉首餘皆免罪首者行賞若互相容隱同夥同隊之兵俱以軍法連坐

第七勸涵忍他人索我爭鬪就是軍士理短若奸好避他稟赴本管轉達應該上司定與處分從寬若與爭競縱是軍士十分理長先打軍士不忍之故然後另與審處若強買民物虧折價值等項因而爭競者不論曲直只將軍士先處然後聽有司剖斷

第八禁博奕凡軍中除習武藝為戲不禁若將條約隨俗改為唱曲習學以代戲樂者有賞凡別項博戲俱皆禁之違者照條治



第九禁爭毆自己軍士頭目兩相鬪毆不論曲直各細打然後查其所由加治若軍士與非管隊總隊總與非管旗總車正旗總車正與非管百總百總與非管把總把總與非管千總爭毆者先治其卑者以不守分之罪然後另剖曲直若與本管總毆者以毆父母論定行軍法從事

第十定竊禁自相竊盜者不計物多少在軍中以軍法從事非出軍臨陣自有常法

第十一定逃禁凡募兵必取保結若遇逃走同隊之人各連坐細打保拏三月不獲原保人抵罪本伍一箇月月糧扣官募軍

第十二書器名應有兵器軍士配定隨身雖一弓一箭須書各名伍在上或遺失易爲檢給或臨操易爲辨賞

第十三禁剋減本管官剋減錢糧者許本屬軍士及屬官告治此不坐犯上之罪若係責比武藝督治愆過因而懷恨或刁誣者定以軍法從事

第十四勵火兵編過火兵有能奮學武藝精熟者



陞爲戰兵戰兵內懶墮不習武藝號令生疎者降  
改火兵每季終次月初二日一考平時聽各火兵  
自首卽與驗陞

第十五居常戒同夥住歇兵士入晚則安眠靜睡  
以養精神不許枕上嘔吟唱曲以耗精氣勾惹淫  
念鼓惑思鄉仍輪流喂馬務要勤起添草白晝早  
起梳洗畢各團聚一處將所給號令逐款聽一識  
字人講說一遍早飯畢各出當差放馬買賣等事  
午間休息或坐或睡務在安閑日西各於便處習  
學武藝或學弓馬或學披甲至昏而止每五日一  
次將自己器械應磨光者磨光脩利者脩利以上  
俱該管隊總旗總督率行事百總於磨器械之日  
一查

第十六申途令凡軍士途遇文武大小官俱下馬  
讓道若在營中操練奉金鼓號令者一惟號令是  
聽不必迴避

第十七禁冒頂凡冒兵頂替入操者正替身俱以  
軍法細打所雇之人卽充兵收操工食卽將原雇



正傳志卷七十三  
之人分支一半

第十八禁喧譁凡軍中要緊第一件只是不許喧譁說話凡遇動止進退自有旗幟金鼓若無令許說話但開口者着實重處夜間尤是切禁

第十九遵號令軍中惟有號令宋時虜稱岳忠武軍曰撼山易撼岳家軍難夫軍士一人不過一二百斤氣力如何比山難撼蓋山是土石可以掘取鑽空軍士萬人一心一箇百斤力萬箇百萬力矣如何撼得動若人各一心百萬之衆各是一箇身子卽賊一箇便可衝動之古者義勇武安王卽今天下廟中關王也生前曾獨馬單刀於萬衆中斬顏良正是顏良之兵人各一心也或者又謂萬人各具一箇身如何使得一心要我一箇身子合得百萬斤力氣來不亦難乎是不然你只看用人擡巨石大木萬萬斤木石用千數箇人便能擡得來蓋數千人雖是力在各人身上而繩子扛子則可均在衆人身上也如今操練的賞罰號令節制規矩連坐之法都是擡石木的繩扛一樣人人遵守號



令重如性命，死便就死，不敢違令，死於賊手，尚有優恤，立廟祭祀，犯了軍法，被殺空喪了性命，又無前項許多恩典，人人只得揀着好處死，且與賊對敵，因恐殺死，所以怕他，却不想見他走了，被他快馬趕來，却也是死，走在水裏，不免淹死，山上跳下，不免跌死，但愚衆不怕死，只是怕賊，若將走了，死的念頭，肯向前與他廝殺，殺他，一箇做箇好漢，死也報了我的仇恨，自然萬人一心，萬身一力，况爾輩與人爭競，一句一言都要報復，他却反被賊殺來，不肯動手，與他一對，低頭聽他殺死，全不想我若殺死賊，賊必不能又殺我，有功生還，登時富貴何等，是好爾輩愚人，何不肯萬衆一心，一齊殺賊，所謂天堂有路，不肯往，地獄無門，自撞入也，思之思之，今日號令，決要比岳爺爺軍，又如一株大木，一塊大石，繩子扛子，不拘千萬人，同擡都要壓到肩頭上來，斷然不准你們人各異心，如往年兒戲也，第二十二思，參養凡你們當兵之日，雖刮風下雨，袖手高坐，少不得行月二糧，這銀米都是官府徵派，



地方百姓辦納來的你在家那箇不是耕種的百姓你肯思量在家種田時辦納的苦楚艱難卽當思量今日食糧容易又不用你耕種擔作養了一年年不過望你一二陣殺勝你不肯殺賊保障他養你何用就是軍法漏網天也假手於人定不放過騙食官糧之人也

第二十一省已過凡你們本爲立功名報効而集兵是殺賊的東西賊是殺百姓的東西百姓們豈是不要你們去殺賊官府豈是好爲作踐輕視你們設使你們果肯殺賊守軍法不擾害地方百姓如何不奉承官府如何不愛重只是你們到箇地方百姓不過怕賊搶擄你們也曾搶擄百姓怕賊焚毀你們也曾拆毀百姓怕賊殺你們要討功也曾殺他這百姓如何不避而怨之如何不關門鎖戶官府爲爾糧餉千思百慮東那西處日日只見運糧運草及至虜人時却並不見你一人出力只是任虜縱橫官府如何不作踐如何不惡棄也今練之後但凡軍行必是依令擡營一人不得攬越



生事

第二十二治戰騎夫國之大事在戎兵之馳騁在馬西北原野以馬爲命所賴不亦重乎但馬之饑飽勞佚濕燥疾病有口無言不能自白必須在我領馬官軍時其水草適其性情節其饑飽勞佚加意調息戢其蹄耳習其馳逐開其進止人馬相親然後可使鞍轡勒御必令全好乏絕輒補冬歸深厩夏入涼廡今者旣無深廡涼廡可不思所以處之乎每於盛暑之時務將馬匹拴繫就陰所在如城市無陰涼之隙可牽於城外人家村落林木陰鬱之所與東西北三面城牆之下拴喂盛寒則拴於南牆之外向陽明與近人煙處入夜將厩入肚帶縛在馬脊上遮冷庶堪戰陣之用但各該官軍率無敵愾之心惟是奉身之計剋減草料飲飼不時再如差役繁多以致馬匹損憊勞傷不知臨時以何爲命况今降罰之例甚嚴主將偏裨悉所不免誠不可不嚴加稽考各哨將置立等第循環文簿二本將該管見在馬匹通行查出逐一躬親驗



選、如果、腴壯者、定為頭等、次、腴者、定為二等、再次、  
 者、定為三等、通、將各軍花名等第、開入循環冊首、  
 其、頭等、二等、馬匹、省、令各軍自行、取、便、用心、喂養、  
 三等者、責委、勤慎官、一員、專管、攢槽、喂飼、逐日、查、  
 驗、各軍、草料、仍、查、夜、草、如、有、不、用、心、及、短、少、草料、  
 者、徑、自、責、治、將、責、治、過、緣、由、填、註、簿、內、該、管、將、官、  
 每、一、箇、月、一、次、點、驗、腴、分、如、二、等、喂、至、頭、等、三、等、  
 喂、至、一、等、俱、免、比、責、即、於、循、環、內、明、開、某、人、原、係、  
 二、等、今、入、頭、等、其、人、原、係、三、等、今、入、二、等、各、另、自、  
 行、喂、養、如、三、等、喂、至、頭、等、亦、要、明、開、某、人、原、係、三、  
 等、今、入、頭、等、免、其、攢、槽、仍、具、名、呈、來、以、憑、犒、賞、免、  
 工、免、差、如、二、等、馬、匹、腴、分、不、加、各、網、打、二、十、其、間、  
 如、有、頭、等、反、為、二、等、二、等、反、為、三、等、者、責、如、之、三、  
 等、反、致、瘦、弱、者、網、打、四、十、各、照、舊、攢、槽、喂、養、每、兩、  
 箇、月、一、次、將、填、註、循、環、責、令、經、管、書、手、賫、送、赴、鎮、  
 倒、換、查、考、通、以、四、箇、月、為、則、二、等、者、俱、要、喂、至、頭、  
 等、中、間、如、有、腴、分、不、增、呈、請、發、落、仍、係、三、等、或、瘦、  
 弱、者、各、網、打、四、十、責、令、變、買、腴、壯、好、馬、解、烙、若、將、



瘦弱馬匹不行明白開報那移作弊者定將作弊人役痛以軍法懲治將領連坐馬軍加倍重處斷不輕恕

凡夏秋輪隊趕就水草牧放至晚歸交各主如其放牧不以實致令各馬饑餓者將該日之人送把總處治登於簿上各軍情愿自出割草喂馬者聽

凡春冬馬匹上槽須多留夜草每日飲水以時如無夜草及飲水失候者隊總旗總查治之次責五棍如事重仍開送把總附過於簿

凡馬不傷於末必傷於始不傷於饑必傷於飽日暮道遠必數上下寧勞於人切無勞馬常令有餘備敵之覆我也凡走驟之時欲住者看遠近緩緩收勒不可陡然緊收常自約度毋致喘損

凡戰馬除本軍自馱馬草馬料之外若代他人馱物及雇人騎乘者雇者與者各罰馬一匹本軍以軍法網打一百柳號示衆



凡馬軍除器甲及飲食外不得馱物過十五斤  
凡馬操一日次日必歇操各五更早出放馬採  
草備馬一日之食以便次日進操

凡馬匹草料本折兼支本爲定例但各軍只將  
本色三日者勻作六日喂馬而三日折乾遂爲  
已用是本折兼支本爲體悉便軍之意而今反  
資剋落之奸致減馬口之食馬安得不瘦損哉  
今後三日草准作四日喂養其餘一日須用折  
銀買草買料喂之若仍再減不行買料草喂馬  
者定行軍法重治折銀追究下落以上一法全  
在哨將之督責千把總之訪查而旗隊之稽考  
也

凡關支本色草料出日該隊總一日一查哨將  
千總時常差入緝訪若將草料賣借與人者查  
舉得出本軍軍法細打旗總免罪如被拏獲而  
非該隊總檢報一體連坐賣者買者同罪  
凡馬雖畜類其効汗血之勞戰陣之間爲國家  
宣力與官軍無異又爲爾輩騎乘代勞且最有



功於爾也。死在出征地方，止許割耳蹄，回報應該衙門全體掩埋，不許開剝食用。如違者，軍法重治。凡官府有責其不以皮張送驗者，執此條為証。

凡比較武藝之日，馬匹或付火兵出放，或留在槽喂養，火兵看守，不必進操。軍士亦不必着盛甲。

武備志卷七十二

武備志卷七十三

防風茅元儀輯

陣練制

練六

懸令三

禁令三

練兵實紀曰：戰約凡二十四條。

第一練戰實。夫金鼓號令行伍營陣，皆戰事也。必曰實戰，為何只緣往時場操習成虛套，號令金鼓



走陣下營別是一樣家數及至臨戰却又全然不同平日所習器技舞打使跳之術都是圖面前好看花法之類及至臨陣全用不對却要真正搏擊近肉分鎗如何得勝又如平日只用短小竹箭臨時射大箭高下如何得中大砲平日不演習臨時遠近如何着對又如火箭平日不放過臨時都放高了或落在眼前安得實用便是晝夜在教場不歇手習一不合式徒費勞苦還是不習一般若是平日教場所操練金鼓號令行伍營陣器技手藝一一都是臨陣一般件件都是對大敵實用之物便學一日有一日受用學一件有一件助膽所謂藝高人膽大也學則便熟不學便生學的便會殺賊保得自己性命立得功不學便被賊殺你們知道這箇緣故豈肯不學今凡教場內行一令舉一號立一旗排一陣操一技學一藝都是臨陣時用的實事臨陣行不得的今便不操器械不是臨陣實用的不做與你領不是臨陣實用的舞打之法不使你學到彼時實行出實用出爾官軍方信之



今禦處者全用挑壕法所謂口置其身于死地也

第二諭用命往年將官有虛套冒功避禍軍士無節制任其退走騎馬者望風而奔步行者躲奔山林挑壕而營者為上等今番誓用車營車不能上山車過不得溝險必是平原曠野明明白白列為營壘馬兵在內四面車圍就有快馬亦無處跑去車兵多是步卒便走亦不能過虜馬車城稍踈如失城事同不思拚命與虜砍殺何處逃避設若無功債事大將自有朝廷典刑決放不過一切頭目與債事軍也甚至說謊彌縫之套必當痛禁寧擒死決不合同你們欺心欺國各宜細思毋蹈覆轍悔之晚矣

第三查火器凡將近賊之時火器什伍該管把百總再行點閱臨時少火線鏡馬鉛子并燒火藥者軍法斬首

第四作怒氣臨陣各人壯起膽來發起怒來想起來我與他殺固怕死我殺了他他死我便不死又有功賞若被圍在內不誓死戰更有何計敗走時達馬賺壯追上都殺了便逃得回陣亡了頭目軍





原件短缺

P4



法連坐亦不饒我是走回也免不得死既食朝廷錢糧身屬戎行命在人手何處可避務各一心發猛肅肅靜靜惟主將號令是聽主將不必太官府但一營人馬之中第一大者便是如一隊只有九箇人在彼再無別人則隊總便是主將以上類此第五申連坐你們自來不知節制大小不相鈴束以故進前者徒死而無賞雖欲賞之無處查考退後者倖生而無罰雖欲罰之無處查考也今定有節制取有甘結矣如一伍同退只殺伍長一隊同賊者頭自致有陣亡不坐以屬下償命之罪如有斬獲仍以功論而以首級先恤死者然後分與生者

第六齊士心殺賊只是萬人一心強者不得先進弱者不得退後如臨陣敢有一人非令先進卽斬賊首得賊馬而還亦以違令軍法從事

第七禁貪利法云射人先射馬馬仆賊自敗往時只因愛他馬要得活獲故難取勝你們看賊馬頭有三尺人在馬上高又五尺我步兵衝在馬頭尚



有馬頭馬前足相隔，賊刀三尺，豈能到我身上？我只將衆軍聯作牆般一堵，密密一字向前，用我長刀大棒砍打馬頭馬腿，馬傷跌倒，此時賊被跌落，身方未轉，就用大棍劈頭打下，無有不死者。你殺得賊，敗首級每顆賞銀五十兩，盔甲衣仗那件不是便宜？何必要馬？况一賊有數馬，我欲殺者賊身下所騎一馬也。太勢一敗以後，馬匹那箇不是你？若臨陣不先砍賊馬與牽取賊馬者，俱斬首，千把總以下，故縱同罪，砍傷馬匹，戰畢即於營前燒熟代飯，生存好馬俱與衝鋒之人，以十匹爲率，只抽一馬與收馬者，餘皆均散。

第八禁貪級。自來北軍殺虜專好爭功，殺倒一賊，三五十人互相爭奪，却將敗賊忘了，追殺每每致賊以數人爲餌，誘你上前，都去爭功，他却太衆一擁殺來，一箇首級又不得，不知倒被他殺了多少。乘衆少却將營盤衝破，全軍沒了，迷而不悟其故何也？此乃將官平日無嚴制教場，內不曾千言萬語說得明白，臨時又不曾殺了幾箇違令的，以此



養成夙弊，再不知改。今日比前不同，若殺倒首級馬匹，都不必管他殺手，只管殺向前去。我自另定一班人割首級收馬匹，但以殺退賊為主。即將級銀先賞衝鋒首級，以十顆為率。衝鋒者六顆，銳手二顆，割首級與劊營者二顆，俱係陣前回營均分。仍有臨陣爭首級者，首級入官所爭之人理虧者，斬首。各官旗隊百總一體連坐。把總各以分數坐罪。

第九戒銳手。夫銳手善能打賊，使狂勢少挫，以助殺手之膽，使殺手膽壯，殺得賊敗，自可保銳手之命。卽各藝雖有不同，均為彼此救護保全。何況掙立功名，通是太家受用。臨時打放不如法，故意高放，低放歪放，畏懼顛搖，後顧者斬首。交鋒時許殺手隊總并本管隊總先割去一耳。回兵查斬。若有把總在近，就送斬首。

第十舉銳令。往往火器銳砲賊在遠時，因我膽怯，每於數百步外鉛子所不到處，大小銳砲只管浪放。或賊來本少，我銳盡放，又打不着他，又可惜了。

火藥為  
第一利



器所以  
不得用  
弊全在  
此

火藥氣力及至賊到近與擁眾衝來却稱火藥鉛子都用盡了束手送了可乎今遇賊來不論遠近只聽軍中放銃一箇吹天鶩聲就要銃手放銃照依操時之法輪班點放着准打賊若賊成宗來每人只指定賊宗當中一賊打不奉中軍銃響不吹天鶩聲便是賊進營裏來也不許放銃先放銃者便一銃打死二賊亦不准定以軍法斬首

第十一嚴銃器火器收放不如法臨時致藥濕線濕放銃不響者俱以軍法斬首把總以下知而不舉及姑息不治者連坐因而慢事者一體斬首

第十二禁戀傷陣上血戰之時遇有我兵戰傷就聽在地勿令呻吟吾兵只管向前便是父子有傷你只管向前殺去殺了賊便可收拾調理卽是與父子報仇了若因而守顧不行向前殺賊致軍大敗賊馬追來就守之扶之向何處去也自己命不保如何救人違者斬

第十三禁故避但有詐病故將軍器馬匹車梁損壞及預先損失而臨陣方舉希圖免戰者斬首示



正傳志卷之三  
衆仍查治本管旗隊人役

第十四禁仇私將卒有私讐至臨陣互相報者軍法從事

第十五處水陷凡軍前有水陷我則據高以待之候賊至陷中即擊若賊不來則設伏退軍誘之

第十六處山谷凡有山谷處戰必然設伏佯兵誘之入發伏攻之

第十七失旗鼓凡失旗鼓旌節者全隊斬或爲賊所取者亦全隊斬有功准贖

第十八失戰馬臨陣失馬者斬力戰馬被傷殺者不坐

第十九整追兵凡戰勝追賊約一里遠則聽桴鉦響收軍整隊恐賊窮返鬪軍亂難整此令俱出於同戰將領爲主者不必稟中軍以其去遠不相聞也俟稍整又搥鼓追逐一面分遣騎兵各處山頭林木都要留人搜瞭恐賊埋伏佯敗從來虜套如此果係大敗亦即長驅不許乘此縱賊得脫雖有前功不敘



第二十給戰獲凡軍中掠獲按條賞士將領不得  
輒取聽主將從宜分之

第二十一分零功凡雕剿零剿俱不開世襲紀錄  
只作賞聽各下手之人自報不必均論亦無衝鋒  
之賞若報功已完又復報有斬獲者非趕散零賊  
必有不明斷然不准驗係真正亦只報賞假偽者  
斬

第二十二處陣降凡當陣之時賊方迎鋒而來若  
係被擄驅之前向者今給每哨降旗二面遠遠其  
呼丟了鎗刀不殺若係丟了鎗刀者令徑往白旗  
下聽他投附偷生若妄殺一級定斬下手之人償  
命各相近隊伍頭目不行舉首者同罪若聞呼不  
改徑持鎗刀前來者聽於陣上殺之仍以虜功併  
論報功之日卽與開說明白

第二十三禁俘姦凡姦淫民間婦女固在不赦若  
臨陣追獲虜婦未奉明文配賞而姦淫者以軍法  
論比在南方有此一事犯者曰此婦被賊擄去爲  
夷狄妻奴今某無知收留尚是中國一處人本府



亦曾折之曰、他是賊、你也是賊、耶、遂無言可對、  
第二十四戒、妄殺你、聞釋家云、救人一命、勝造七  
級浮屠、浮屠者、造塔也、地獄輪迴之說、變做生畜  
償、他冤債、天道好、還鬼神、報應不爽、且你要掙得  
功、來紀錄、世襲子孫輩、輩受用、賞的銀子、又係百  
姓膏脂、百姓不幸、被賊擄掠、復得到中國、或一時  
被賊趕散、室家分離、人人可憐、之時、便是達子、倭  
子、見中國人、跪告哀憐、亦且慈悲、放了多少、你我  
是中國一類人、朝廷設來保障、百姓今百姓在危  
地、反殺其首級、具功與子孫受用、此等無天理之  
人、天決不宥、今後戰賊既敗、所獲子女人口、卽是  
真達賊、不許殺、取首級、只將生口、送官論功、給賞、  
若戰後殺取降人、并中國婦女、報功者、不特紀功、  
官不准、主將臨敵時、面見鮮血、猶存驗、有前弊、查  
真動手、提級來報之人、卽時斬首、償命、雖夙有功  
者、不宥、此一節、萬萬叮嚀、凡我將士、務要痛改、盡  
洗此方第一弊也、

戰後約凡六條



第一報戰傷每戰畢收兵到營一面各哨將督據  
千把總卽開戰傷者爲一手本先遞凡弓箭傷係  
致命處爲一等雖重不開超等被中三箭以上雖  
輕亦開一等中二箭者雖輕不開三等凡射在手  
足間者爲二等箭入不深再輕者爲三等再輕者  
爲四等止其刀傷當面者爲超等傷手足重者爲  
一等輕者爲二等三等止凡箭刀傷俱在背後者  
不准亦不給醫藥若賊衆四面圍砍我軍在中向  
敵者雖背傷亦准作等數須取哨將及臨陣將官  
畫字於手本末若衆軍同敗一齊奔走而傷者不  
論面前背後俱不准恤卽不必開報若有幾人能  
於衆人敗走之中復回身對敵能阻賊回者卽無  
傷俱開頭等傷者原合一二三四等例俱各進一  
等開報超等者開超超等

第二報陣亡另開一手本某人傷某處須面前傷  
乃坐同隊伍償命之罪傷在背後死者不恤亦不  
連坐同隊伍若大衆敗走而亡者不恤當開坐退  
縮被殺但有一傷在前者卽准血戰陣亡之數



第三報功級另開一手本本哨共斬若干衝鋒某人某人斬取首級某人某人聽主將照前例均派願紀錄者約自己該銀若干眾人分銀若干除已分外仍出銀與各應賞者其首級聽紀錄衝鋒者除分派首級之外另有特賞

第四報人口另開一手本以憑發主獲者照數賞銀

第五報軍器另開一手本解官貯庫

第六報馬匹另開一手本以憑議賞衝鋒之軍并





武備志卷七十四

防風茅元儀輯

陣練制

練七

懸令四

禁令四

紀效新書曰操令凡二十條

凡你們的耳只聽金鼓眼只看旗幟夜看高招雙燈如某色旗豎起點動便是某營兵收拾聽候號



頭行營出戰不許聽人口說的言語擅起擅動若  
旗幟金鼓不動就是主將口說要如何也不許依  
從就是天神來口說要如何也不許依從只是一  
味看旗鼓號令兵看各營把總的把總看中軍的  
如插鼓該進就是前面有水有火若插鼓不住便  
往水裏火裏也要前去如鳴金該退就是前面有  
金山銀山若金鳴不止也要依令退回肯是這等  
大家共作一箇眼共作一箇耳共作一箇心有何  
賊不可殺何功不可立

谷萬為  
一人故  
可以敵  
萬人微

乎微乎

凡掌號笛卽是吹鎖吶是要聚官哨隊長來分付  
軍中事務

凡正行之間放鏡一箇就是要更變號令卽立定  
看聽有何旗豎有何號令再行

凡歇處吹喇叭一盪火兵卽做飯衆人收拾吹喇  
叭第一盪各兵吃飯吹喇叭第二盪各兵出赴信  
地劄營候主將到發放施行

凡喇叭吹天鵝聲是要各兵吶喊  
凡喇叭吹擺隊伍是要各兵卽於行次每哨一聚



各留空地擺定。

凡喇叭吹單擺開是要各隊即便挨隊甲踈踈擺開每一小隊相平離一丈五尺。

凡旗點過只吹喇叭一長聲是要各兵轉身照旗所向轉過。

凡打銅鑼（錄一）是要各兵坐地休息。

凡吹唢囉是要各兵起身執器械站立。

凡點步鼓是要各兵照先樹起的旗次發兵行營。

每點鼓一聲走十步。

凡插鼓是要各兵趨跑向前對敵交鋒。

凡下營定插鼓立中軍旗是放火兵出營樵汲掌號是收回。

號是收回。

凡各舉動與交鋒但聞鳴金一聲即便立止又鳴

一聲是要各兵退還連鳴二聲是要各兵又於脚

下便再轉身向前立定。

凡打金邊是發人探賊。

凡摔鈸響是要各收隊即將原單擺開的兵照舊

收成各哨再收成每營一處。



凡塘報搖小黃旗是有賊至

凡旗幟各兵認定各總哨顏色但本總旗立起卽便收拾聽令若旗左點則卽左行右點卽右行前點卽前行後點卽後行隨旗所指而往本總旗收捲在地卽各聽令立定如旗不起脚下卽是信地雖天神來叫移動也不許依從擅動夜看高招火鼓與晝一般

凡鳥銃遇賊不許早放不許一遍盡放每至賊近鏡裝不及往往候了衆人性命今後遇賊至一百步之內聽吹竹筒響在兵前擺開每一哨前擺一隊聽本管放銃一箇纔許放銃每吹喇叭一聲放一遍擺陣照操法若喇叭連吹不止各銃一齊盡放不必分層

凡弩手射手候鳥銃打放將完賊至六十步之內起火放方許繼銃後射箭無令不許擅發

水軍凡二十五條

一平日各照派定武藝時常檢點船上器具每日一次看驗損壞火藥遇天晴五日一曬收閣乾燥



避火之處鎗力鐵器半月一磨遮蔽風雨一伴收磨不如法扣罰工食甲長連坐

一每船斧口石木槓石務足若干八分放在船底二分放在船面用過即補不補者扣工食

一每甲兵六名如有在逃一名將甲長網打收監甲下兵夫以五名收監以五名齎文分投捉拏獲

日即以本犯歷過工食充賞限三月拏不回將差過之兵各打四十監併又差在監一半去拏如此

輪拏一年不獲全甲兵夫俱革其一年工食通扣在船修船船隻凡差出拏逃兵者工食即日扣收

在官拏獲有功之日給與其逃兵自首免罪不到者春汛時月發船之期依臨陣在逃法示眾每甲

俱有逃兵連坐捕盜每船俱有逃兵連坐哨官各哨俱有逃兵連坐領兵官依次連坐即行覺舉者

免罪一兵逃甲長即時稟捕盜捕盜呈哨官轉呈把總

呈府註冊拘該甲兵夫給文行拏一每月初一十五補兵即於廿九十四日該管捕



盜募兵到船送付哨官帶到領兵官驗呈把總類  
驗本府驗中給與腰牌發總呈道收冊發船駕操  
一各船捕盜遇夜出哨脚船三板船俱要收藏穩  
便不許拖帶恐遇風急潮滾頓流如在船兵役取  
水不便悞失者管船兵夫一面治以軍法一面扣  
月糧賠造

一在港每日清晨中軍船定營吹打三通放砲三  
箇升太平旗左右前後四營依序安擺各搥鼓鳴  
金亦升太平旗

一捕舵兵夫上岸買辦柴米及神福船具俱赴中  
軍船給籌票刻限時日回銷敢有不行稟鳴私自  
擅離及該管小甲互相容隱知而不舉者一體連  
治軍法

一各船領兵指揮哨官捕舵兵夫風汛時月不許  
偷安假托事故在岸宿歇虛竊錢糧致悞事機者  
不分貴賤一體軍法重治如有警掌行號已畢而  
未到船已起旋而方來俱係畏避即發保候無功  
者斬



一各船捕舵小甲兵夫各照安名分長幼尊卑務念同舟共命如父子兄弟相處不許嗜酒在船爭打違令喧嘩俱以軍法連坐然後另行發官問理曲直

一兵與甲長凡事務相推讓惟甲長是聽甲長平時見捕盜一跪一揖遇軍中發放跪聽號令

一捕盜見哨官平時青一撒一跪一揖遇在中軍或臨敵以軍法施行

一哨官見領兵官一跪一揖臨敵臨操軍法施行

一領兵官戎裝見把總兩跪一揖平時許以官帶臨操臨陣戎裝聽令小則徑自細打

一哨官見把總兩跪一揖臨操叩頭捕盜見把總叩頭捕盜見領兵官平時兩跪一揖臨操叩頭跪見

一各船官捕兵役各備蓑衣箬笠一副以便遇雨應用毋得抗違

一隔日先行牌諭各捕兵將以出洋若干日該備蠶米水數目令備完限時點查欠者細打罰工食



凡中軍吹長聲喇叭一通立起黃旗一面各哨船出洋哨賊如報有警本總卽升船廳聽砲三箇大吹打畢先吹唵囉一盪各船一面起舵長號笛官捕旗甲俱坐三板赴中軍船下兩邊照營列定掌號官稟稱官旗到齊聽發放船上叫官旗進來水倉門報門俱赴船面掌號官叫官旗過來以下俱照常時在於水寨操練規矩發放畢各官捕回船亦照寨操一體發放畢中軍船擂鼓升行旗吹第一盪唵囉响各船起篷第二盪唵囉依次開船在洋行使首尾相接鴈行而進不許太相遠離船哨一船違令捕盜之罪二船違令哨官之罪四船違令領兵官之罪中軍畏縮把總之罪其舵工瞭手皆加倍重治遇有船漏風水不便者覈實免罪一各船以燈火爲號中軍船放起火三枝放砲三箇懸燈一盪各船以營爲辨前營船懸燈二盪平列左營懸燈一盪各桅一盪右營大小桅各懸燈二盪平列後營懸燈二盪一高一低看燈聽銃收船到將近船上捕盜先自呼名識認



一遇夜泊船聽中軍船招艚喇叭響各船依序隨  
艚安插不許私求穩便遠泊因而疎虞斬首示衆  
哨官連坐

一守夜號令俱同在港號令但每夜加鳥銃手二  
名點火執銃遇疑即便對放

一各船遇夜有急看中軍旗五方高豎燈五盞是  
欲設疑以見船多之意每船後尾上立燈左右二  
盞前桅上加燈二盞

一中軍船戰聲喇叭響各鳴鑼齊搗戰鼓天鵝聲

響大聲吶喊奮勇剿殺獲有功級各送領兵指揮

驗實類送中軍紀驗解報退縮後至者斬其捕盜

船行遲曲而後到者斬其捕盜舵工遇淺者斬其

扳招手船雖先到而不直射賊船旁邊擦過者斬

其舵工瞭手使風不正者斬其舵工瞭手如已使

逼賊舟相并不能成功致賊舟復走者斬其捕盜

各甲長有能挨報某兵不用心某兵不用心者其

不用心之兵斬首甲長止於細打

一敵人慮我官兵追戰將船內器物遺棄水中舉



夫敢有撈拾而不追賊者許本船捕甲割耳示衆  
故縱者連坐斬首

一凡已打敗賊舟一隻而餘舟不行分投追打別  
賊共相攢來爭撈首級致賊遁走者各船獲級俱  
止歸先打一船之功餘船捕盜網打一自割耳各  
治以軍法

一報警至急起舵不前卽使用太猫竹一段計長  
一二丈縛於舵繳浮水以便班師各自認取違悞  
舵手割耳示衆


一各船捕舵兵夫遇泊船山巖無故不許上山閑  
遊恐遇警一時下船不便致有悞事若要取水輪  
直兵夫赴中軍船告稟明白方許取水違令上山  
人挈治不恕

一往來巡哨遇有警急各在信地登各相近山上  
先行舉放煙火所在兵船瞭見火光煙焰就行開  
帆望火前進哨剿聯近烽堠卽時按放傳報南北  
大兵防截其哨船仍探賊船白往踪跡親報領哨  
官以便進止如火報不爽兵船逗遛悞事罪坐該



營領哨官員若哨船不盡信地止於一處探望或在漁樵船隻人內取信或到山放火而原積柴草不足火小不能燎遠致失傳報悞事者該直哨船軍甲俱以軍法斬首

馬樂堂印





程